



15
1301
24



門 45
號 1301
卷 24

唐文續拾卷十三

榮祿大夫一品頂戴前分巡廣東高廉道加四級臣陸心源輯

闕名

唐馬君起造石浮圖銘

原夫鷲岳馳靈馬鳴闢三乘之口雞峯誕粹龍樹彰
十地之資是以鳳塔凌空影暎日宮之宇雀離架迴
模標紺殿之規然則蔗苑疏流導祥河於少海嶠山
發妙仞寶樹於王城口迹遠而難徵至道幽而頗說
酌而不測其在茲乎爰有石浮圖主馬君起為亡考
妣之所立其先扶風茂陵人漢伏波將軍隴西郡守

昭和十一年
二月十四日
購求

唐文苑英華 卷十三
新息侯援之後十一代祖遠字彥道雍州大中正金
紫光祿大夫因官封武邑郡侯子孫因家焉故今爲
縣人也昔門傳兩□靈圖表於射熊代蘊三神盛績
光於錫樂謀深豹略英聲逸於鑄銅思察龍吟問令
興於紗帳高祖遊後魏大將軍益州刺史乘軒撫俗
降瑞鹿於臨淮置水觀風格神珠於合浦曾祖和齊
四門博士優游萬卷沉思五車杏壇傾魯相之風霧
市擅張公之則祖貴隨幽州薊縣令製錦宣功鳴琴
贊□量屈涵牛道標馴鸚父海龍遊鄉長農夫荷德
醴酒相驩田峻銜恩牲祠已罄然則瓊柯遞照玉葉

相輝擬楊氏之乘輪比袁門之襲鼎君起夙欽地藏
早敬天經歎井藤之易凋愾塘駒之難駐弘心設福
建此浮圖礪斲已終彫鏤始畢其地前給趙瑟艷曲
仍奢後聒燕哥悲風尙激觀津左眺蔽日棲霞通澤
右臨歛雲引霧對墳塋而構趾蒿徑含悲俯□墟以
疏基棘心增痛庶使醍醐廣潤慧炬高縣重昏登夜
曉之□幽□□□之齊夫□從言顯文由頌作鎮
天街而永安□□坤而不鑠其詞曰
日宮肇構月殿初□雞峯建宇鷲嶽疏臺馬鳴繼出
□樹潛來魚燈廣照鳳塔虛迴實相空寂至真冥廓

唐文續刊 卷十三
惠炬燭幽法音生鐸十地可□三乘不落雀離今設
福哉攸博猗歟令人美乎純孝痛深膝下悲申庭教
衣錦權心風枝毀貌將酬凶極恕雖微效

大唐儀鳳四年歲次己卯三月辛巳朔廿六日景午

王思恭造石浮圖銘

維大唐景雲元年歲次庚戌九月己酉朔十二日庚
申夫眇睇權光□□□昧稽天廓覆宅仁孝而朝入
荒□□□氛踐慈悲而維八極數十綸於□□諧九
變於鍾絲陟配乾郊著嚴□於禋祀昭昇地紐騰孝
響於仁倫雖復薦鮪終晨未靜輪迴之難供□厚夜

攸論蕭煞之目縱使模栢窮號歎風樹而歸多寶叩
墳長慟嗟隙駟而俯香臺歸依爲忍辱之基迴向
乃昇仙之路爰有清信士王思恭兄思慶心貞崑玉
行蘊蘭蓀別派遙源高文秘於中國分枝遠胄盛烈
剪於南荆蹈禮趨於孔門探元歸於釋氏昔爲三靈
有譴五福無徵夢感兩楹灾延二豎臥疴漳浦積弊
切於劉禎豐結懸蛇事虛成於弩影乃有良醫周二
貞跡超秦緩伎躡華陀罄竭丹誠盡心祈禱發願瘳
瘡□□□報□□於是廣命斑倕傍求郢匠上爲七
代父母及見存家□敬造浮圖一區九級鄧瓊瓌於

唐文苑英華 卷十三
楚峴迹入仙工鑄琬壁於燕峯影來天匠若乃方基
應矩警十地之雄風輪相含規承九天之墜露白鷺
飛翥遊寶鐸而安禪青鴉騰空踐金瓶而宴息遂使
鯨津水客獻珠淚於鮫盤天漢神妃口綃繒於玉樹
豈非慧力方口廣濟無口者哉上為皇帝陛下握紀
臨乾飛龍踐阼時邕俗泰邑訟途謠寢六戎以無施
韜五刑而罕用爾其地也左右川陸表裏山河口口
口昌寔三尊之邃宇下官薄遊鄉邑口步於斯殿閭
闔而虔誠俯香臺而稽首謬陳心腹略為銘記俾夫
衣鏞劫石知慧日之在茲焉皇矣大雄遐哉勝地口

殫千變神異萬類契界三千口口口口口口口來遊

口以至其茲下刻石

修行寺尼真空敬為亡考妣造石浮圖銘 并序

若夫正覺虛玄妙源凝寂散慈雲於億劫融慧炬於
大千化城開敬信之門祗樹啟菩提之迹津梁庶品
拯拔迷途皆想於泐音咸歸於壽域今修行寺尼真
空早悟無為夙明因果痛慈顏之不待恨結終天悲
報德之無由誠依福地於是竭精進之志窮清淨之
財於先亡塋側敬為考妣造石浮圖一所竊遵無上
之教用酬膝下之恩翠石雕奇丹容備相龍門南指

鶴林之挾不遙龜浦北流猴池之際何遠功德已就
不可思議伏願神力潛通毫光迴燭濟艱危於過往
垂惠澤於將來所冀負土之墳歷千秋而永固聚沙
之塔超累葉而長存迺為銘曰

法雲灑潤甘露凝祥高臨慧日遠燭毫光其自然生

滅缺一運慈悲誠深報德法尚歸依其爰有精進或

謝先靈近缺一奇塔長登化城其大唐神龍元年歲

次乙巳三月庚辰朔三日壬午建上同

優婆夷阿劉造石浮圖銘

竊以法流湛寂窺之者莫知妙道疑之仰之者無盡

啟津梁之大路火宅消炎靜塵界之祲氛煩河息毒
有清信優婆夷阿劉為亡過夫亡過男在禪院內敬
造七級浮圖一所前瞻古塚梁妻大哭之城卻背孝
堂郭巨埋金之地西臨駟驛共飛雲雨競遠東望天
孫聳崇巖而切漢馨喉中之玉粒市石荆山盡篋裡
之瓊口遊工郢邑彫口已畢鏤刻方成涓日差時樹
之勝地晃晃明明浮空直上丹霞而曠仙掌岩岩
巽巽獨出于霄入紫口而拂星橋其頌曰
巍巍寶刹高餘海碣嶷嶷攢空獨秀園中金輪照日
玉鐸吟風雲衢翳鳥天路留虹丹青克妙態巧無窮

其嗟乎亡者福田斯擅託生上品超然西國法起四緣塵消六賊長辭慾海永歸彌勒其肥城縣志

按此銘見肥城縣志無年月謂是宋以前物玩其文義當為唐末人作

石燈臺銘 并序

夫約缺四以言金口演法□□相缺七德難量信有如□□□佛弟子曹文玉以缺約七難遂抽減淨財敬□石燈臺一所採以荆山之石堅徑除□□□□而彫磨周環無非宴□而立□□滅一切之迷凡層望數重救七代之亡□又鑄阿彌陀像一鋪飾金□

相鑄翠成□能得真形翛然□□沙門頂謁疑是梵天童□來觀真如西域上為皇帝文察武察法界蒼生同霑此福卽以天寶十有一載有五月焚香設齋度讚圍遶安置於僧家佛堂門所建立恐桑田改變陵谷頻遷故勒豐石乃為頌曰厥德斷寶石兮騰夜光鏤真容兮飾璧璫亭亭岌兮雲虹□如涌出兮現十方惠□澄澄兮照不滅慈風岑岑兮未殃萬古千□終不朽劫□恆沙為棟樑石刻

建幡竿銘

奇哉妙緣古聖相傳救脫大士利教人天今有缺特

就禔蘭劇風瑩石匠選□班差峩勢逸狀缺因果告
終福事周圓願承斯祉共□□安石刻

大唐光明寺故大德僧慧了法師銘

法師□慧了俗姓宋氏若夫西京纂厯車騎建其英
謀東漢握符司徒鼎其鴻業曾構與靈山比峻昌原
共德水俱長人物備在典□□烈煥乎篆籀法師道
心天縱解行自然不假薰修已達四禪之趣無勞雕
琢便登八正之途七歲出家久著老成之德十三依
眾早識性相之原有信行禪師者釋氏之冠冕桑門
之棟梁達究竟於沖襟窮權實於靈府濟羣生於正

覺闢眾品於重昏一見法師歎之良久曰紹隆三寶
非仏子而誰法師遊刃三乘括囊十地闡龍宮之奧
旨演鹿野之微言遠近歸依道俗鑽仰爾乃心敦寂
滅志絕攀緣晦跡林泉韜光巖谷文帝旣行輪王之
聖教將窮正法之玄宗勅令太子太保宋公瑀大德
僧內銓簡三人所以辟召法師方擬對揚宸極宋公
其論法相鄙吝便祛似遇天親如逢無著因而居□
□範緇徒其有鏢腹決疑杖錫請法咸剖錯節俱釋
盤根但□□居諸晦明迭代崦光易落閱水難留旣
傷壞木之哥還切□舟之歎顯慶元年八月五日窆

疾遷神於光明寺禪坊春□□十有四卽以二年二月十五日終於南山楸梓谷禪師□□骨起塔昔郭泰飛英漢室尙勒無愧之文賈逵擅譽□□□□不朽之頌祝津梁六道濟度四生理須播美縑緇□□□□爲銘曰

偉哉開士道濟羣生跨躡龍樹牢籠馬鳴□□□□□□□□既登勝果永斷無明石刻

唐八卦鏡銘

天地成日月明五嶽靈四瀆清十二精八卦眞富貴盈子孫甯山左金石志

唐臨池鏡銘

團團寶鏡皎皎昇臺鸞窺自儷照日花開臨池似月觀兒嬌來同上

居德寺碑

原夫元牡玉樓九府壓西荒之地紫眞金闕三山覆東海之波考雲閣於南岑尠存高岸覈天臺於北洛空見平池此皆寂寥難託虛聲□□鞠仙道則眇漫而繫風案人事則摧殘而有日莫不杜侯未掩終傷漢南之地丁令不存空聽遼東之鶴其有揚乾坤之中土得人野之平易一開圓寂之容幾歷微塵之劫

唐文編拾 卷十三
寶坊金界捧慧日以同明淨宇禪居向諸天而竝遠
久而彌固者□見之於此矣居德寺者則河朔之佳
境也徒觀其風土形勝山河表裏千費爽塏於邑居
萬里恢平□道路北連斗□□指於三□南窺□
穴潤俗通於十□若迺於雲雨之所蓄洩封畿之所
襟帶關關皋鶴候灑鼓以霄驚啾啾巖後聽香鐘而
曉引斯可謂列仙之上館□帝之下都率土之津梁
含靈之喻棧雖崢嶸邃宇互榱棟以將周而結構層
臺視高明而未立則有清信士秦洪亮等竝靈根宿
植慧果天資□雀瓶而易毀覩□嶽而□淨將以

□心八解俱希白象之緣削跡六塵各願青鳧之施
爰於此寺門東偏敬造浮圖一所爾其兆跡宏敞規
繩大起指寥廓以浮軒望煙埃而列砌於是聳中唐
之瓴甌元之旣元排遠漢以峇巖損之又損况復土
花五色金精百練雲將稀影於元梁日馭銷光於丹
水亭亭岌岌固無得而言矣又有故簡州平泉縣令
秦君慎獨勵家資於寺門西偏復建浮圖一所惟君
行該真際情達蓋□知下邳有人座之由原碑似朱
脫一字
門可待覺外道□三乘之逕路盡篋爲施俄見覲於
塵心勤求於故里於是運土精於西華斲金采於南

陽青疏起不日之程紫柱間成風之□自發原定水
之域□累土王城之界修百舍以忘勞瞻十區而靡
愛何忽九成不遠秉心作屈指之期一遺將乖□澤
有頽山之痛悲夫立功不可以無主爲事不可以失
時屢驚飛管之灰幾重縣衡之鐵雖復日來月往輕
塵微露暫□感其紅□而□□□彤彤峻級重階無
與爭其秀特今寺內有名僧會廣等環情四攝寶志
三堅搖幡忍辱之場穢穢陀羅之海思而□間修淨
域以同遊惜所□圓顧珍寶而發憤是用贊經營於
不足削瓶鉢之有餘靖恭莫莫之誠靡盬登登之業

加以子來板築俗委檀波孰言累月之□克備□旬
之制既而莊嚴相好龕龕舍衛之尊粉飾花條級級
菩提之樹照金輪於滿月夜若蟾蟾吟寶鐸於長風
朝疑雅樂能事斯畢殊容信美既與東浮圖有對復
能以高下爲□各在門偏俱臨道側中間疏密甚得
均整於時遂號雙浮圖矣亦猶天臺雙闕隱靈跡以
相高荆國兩崖負穹筠而合遠豈止巍巍 柱□讚
江陵之臺業業三休偏美章華之觀而已况乎眺聽
仟眠登頓屈曲每至歲遊蒼陸物煦青春太簇軼而
光景麗少陽通而天地淑銜蘆負暖馴鴈塔以忘歸

采萼垂香下蜂臺而欲住從龍卷靄而清曠野馬收
氛以虛寂絢然林樹之間豁爾河山之際則有朱軒
推轂擁流水於猴池楮騎齊鑣結浮雲於鷲嶺還所
以綺裳連襪亦所以躡踵側肩於是步褰開峻攀邃
原碑二句陽扉暫啟頻納氣於暄曦陰戶徐開□□
但有脫文風於鬻發靈槎自託宵冥雲漢之中仙□何求迢遞
煙霞之上迺福地之宏麗香園之殊觀者也縣令于
公地承陰□天資秀氣暫勞展驥之才且莅亨雞之
用縣丞河東裴令昭縣□蘭陵蕭越客主簿平陽路
暉等並價重西秦和璧爲天下之寶氣衝南斗雷劍

有鋒芒之銳雄圖可舉□六月而非遙雌伏無言輔
三河而□格競冒伊蘭之質爭爲祗樹之因鄉望以
鶴髮鮐背撫四生於水月士女以心□頂受懷六氣
於空雲□馳方便之門願樂慈悲之路僉以□筆書
爪畫猶出離於邪峯積土聚沙尙登臨於正覺矧伊
中天揭起仰于兜率之庭踊地憑虛俯□閣浮之境
豈使六通神宇臨汗簡而□□七寶奇功師貞刊而
有闕所以躊躇入難顧步□音環篆句以披文繞花
臺而相質雖宏摹可大難言弊日之容而小子當仁
敢惜凌雲之筆述而不作敬立言曰

西竺降影南浮載芳和柔作相寂滅為常威儀有頂
 教戒無疆空傳喻棧曷用津梁其建室星羅分庭雲
 布亦有法院覃懷作固寶□□牖金繩途路業絀典
 章花傳曉暮其秩秩居士昂昂宰官共攀道樹各悟
 伊蘭願言經始骨悅重巒揮斤雷赴荷鍾雲攢其九
 □□出雙標牙聳累砌峩重軒龍崑特起天浩巍
 然地踊綵鳳欲飛火私若動其四髣髴多寶依稀由旬
 蓮牀不夜蘄壁長春皎皎珠淨□□盤新風生寶鐸
 月滿金輪其五少陽開晴大呂生律寒郊氣斂泮水風
 謐翠野鶯初蒼洲雁疾□意流月垂蛻捧日其六壯哉

靈塔靡鹽標奇殫神極麗作鎮成儀路開波若劫用

僧祇一刊之後千古如斯其七刻石

白鶴觀碑

蓋聞有明有晦陰陽不測之謂神無始無終言象莫
 荃之謂道夫道者不可以形聲察不可以方所□渺
 兮□□□隨下缺惟忽可得而不可見伏戲之襲氣
 母肩吾之處太山莫不體之以為靈因之以成聖下
缺太上玄元缺九字當玉晨玉帝之尊竦鶴駕於玄州
 控龍輿於紫府吸風飲露□八景而□□□雪餐霞
 □九天而下缺還魂及魄斯乃被諸簡冊無待一二

詳焉故能兆朕帝先發揮皇極降天族於玄牝啟邦
基於素昌我聖唐承日月之遙源襲雲之遠構

□□而缺六以馳下缺者隨運崩離生靈版蕩白波

以之騰沸黃神於是嘯吟高祖神堯皇帝誓鉞參墟

披圖汶水荷歷數之昌運馭斗極之驍兵東伐西悲

南征北怨正傾維於赤縣□□於蒼生四海同其

樂推貳下缺太宗文武聖皇帝誕靈虹渚毓照蛟門

體曰角以鑿乾稟星□而出震神謨電舉聖略□迎

□青天以鳳翔騰紫□而龍戰綏旌所指缺五欽揚

缺五城水潰□崩雲而清六合息鬪川而晏九瀛重

闢寰寓更張禮樂人靈俾乂品物昭蘇振長策以馭

遐荒執□□而私弊俗□□儀之燾載並去阡危還

兩耀之照□□以安仁壽高宗天皇大帝發祥雷澤聚

祉雲房受綠地之靈符應玄穹之景命叶淮繩於石

紐契法象於珠衡履翼登□□齊巽鑑法範而亭

育象耀魄以□成黔首□□□吹其擊壤靈

臺偃伯戢蕭斧而息韜鈴雍館尊師敞鬢門而興雅

頌道既貞矣時又清矣期已昌焉代亦康焉於是高

明演貺沉潛薦祉騁遺風於澤□驚流水於山□□

□門庭□生□石黃龍入紀朱鴈登歌集五老於星

躔朝七神於雪路佞枝歷草佩綠舒丹連理含芳
 階被□通金□於翠□□瓊□於□□碧空浮芳月
 之暉河漢縟缺九青史之書禎秬靈芳相繼白藏之
 府掩開梧而設徽匝建木以疏封蠹蠹鱗衣集中區
 而襲冠帶修修□駕□大道而□闕庭□一氣於銅
 儀調四時於玉燭紺轅黛耜□□□而勸紅粟赤
 苗每獲九秋之稔爲而不宰執契比於神功用而不
 知鑿井忘於帝力遂乃習禮茅蕝告成松缺六三靈
 □梁陰而朝萬玉以是垂衣衢室布政令□不言而
 □□聿興無爲而壽域斯泰稽上皇而比德則仁超

九翼之前校近古而論功則道出六飛之外蔭高天
 者之徒承垂翼之□□廣海者詎識滄溟之澤方謂
 昆吾駐景長□煦而□□□輟□鎮浮□□而戲
 廣豈意荻巖鑄鼎湖滙飛珠丹竈之術既隆白雲之
 駕俄遠羣芳過密共切朝□之悲萬國缺六之慕則
 天大聖皇后稟睿庭山資靈渭浹冠清暉於潤石照
 茂範於曾沙將聖多能既明且哲知泰缺八隱鈎深
 智出天人之外□象坤□之□□珠□鏡之□莫不
 總照靈臺同包禮器故能光玉衣之遠慶贊金展之
 休徵以偃月之真儀構荆天之丕緒思賢屬缺八不

□懷芳聲振於樛木二妃匡舜俱□內輔之功三□
 翊周並謝扶成之美孝光四海至性感於神明忠積
 九重深誠格於穹昊及峻狼沉景舞鳳興悲攀□□
 極而缺七無虞膺顧託肅綜樞機受創業於舜章□
 延悲於兆庶永惟先聖茹慕終天以為裂骨靡軀竟
 無稱於遷拔祈仙契道無有益於津梁遂□綸言廣
缺九修聲白鶴觀者垂拱二年之所立也□□朝野
 又安遐邇□晏坤□之德方遠雲幕之化惟新因玉
 府之有餘起琳房之寶構斯則韓趙之舊境牢馮之
 故跡□□河之□□□□之□□□嶺鎮其西魚

波蕩其缺六連□□之居□□通□路接風郵之影
 於是揆日晷考星耀設表置臬授梓榆材敝金殿而
 排霄闢珠樓而望月翠觀岑□□閣□□寫玄□之
 高居法清陽之上府疊祥□而缺八氣而為臺放曠
 碧旋之地開紫元之靈相啟黃蓋之眞容玉樹瑤林
 含九韶之妙響葉池花沼帶五色之仙光□□徘徊
 乘太虛而萃止蛻□容曳□上界而來遊斯可以獻
 福□山薦祥稽嶺鎮怡神於寶地永納祐於鄴都垂
 拱二年長子縣宰朝散大夫高同營創基宇造立尊
 容建此豐碑□□以□德屬高公坐事去官歷載推遷

不遑修復伏惟應天皇帝陛下睿圖鼎盛寶命惟新
累聖重光上下禔福神靈滋液中外太和契叶天人
膺納符錄功業與黃羲合矩聲教與日月均口證神
僊於口乘口口口於天口欲使九龍五鳳化漸雲居
玉洞金巒眞凝淨域文物所以極天蟠地生靈於是
謳吟抃舞河清海謐歲阜時康朝議郎行長子縣令
鄭璉辰像授精山河誕粹銳器口昆吾之域口樹生
天山之阿瑗玳羅生波濤汨起南宮曳屣北海橫經
載德象賢不僭於弓冶隆家格蠱靡墜於菑堂純孝
口口親口口友漁獵百氏琢磨六藝修身立志露潔

冰清撫俗口人風口草偃卓魯之化更重睹於當今
蒲密之規不獨聞於在昔丞白貞諒主簿辛齊物尉
王晟張瑜等並江湖蓄潤荍藍孕彩風格嶒峻隘宇
難窺思縟卿雲學該瀛略含吐宮羽隱口口口或歷
踐優班或初嬰下秩咸能蹈因緣之闢奧竭營衛之
精誠觀主谷太希上座常齊物監齋任太素練師李
知白威儀程遊玄法師韓馴蛻等並業彰善救體應
徐口口鴻寶之微口行蛻口之遠駕道士關無固韓
道宗宋子仙魏玄宗萬冲仙楊翥鶴鮑探玄鮑習庄
王羽客李眞窵等勁節霜明清心月暎超風塵而不

唐文續拾 卷十三
雜泛道德以孤征道口郭法口元光隱下磨滅並依
仁踐義蹈禮鳴謙或筮仕周行或棲閑鄭圃顧循諸
口攀月姓以承恩伏想帝鄉軫口崩而倍愴乃與邑
宰邵公及口口口之口口口同立勝緣口奉聖因側
中追福日光月光之相照燭仙京左玄右玄之儀輝
煥金闕怡神湛寂似一氣之非遙寓目清澗竟重陽
之未遠以為炎涼遞代赤明之劫不留陵谷口口滄
海之田口變自非圖徽素篆勒美翠瓊何以表懿跡
于修期紀玄功于遠業爰命庸謏俾述聲塵輟課下
才式旌高烈其詞曰

悠哉眾妙邈矣重玄察之無象尋之無邊埏埴九地
陶鑄三天兆朕皇極權輿帝先於赫睿唐寔惟仙胤
應運甄海乘時出震龍口參口鳳承下缺照握鏡重
光凌蠟千古牢籠百王朝宗絕域縉紱遐荒仁高白
帝化叶朱襄元聖纂戎大橫承緒赤方連耀青雲干
呂御錄榮河觀圖口浴下缺琴天門墜玉日觀泥金
壽域方泰悲泉遽沈慕凝蒼野哀纏穀林穆穆坤元
泣承遺託仁清月絙化貞雲幕攀聖九霄崩心五栝
口篆下缺茲金地式建琳房星列珠柱虹分玉梁去
來鶴駕棲息蛻裳茂宰具僚家承纓弁濟俗百里澆

風一變黃綬清班玄都□□□□象設□興下缺

嶺排雲榮浮日彩浦樣風文烟霞散亂松石糾紛地

裂碧城道詢黃蓋祥流萬品福資三太金沼濯靈玉

虛鎖溢長勒美於仙石永飛聲於□□石刻

洛州河南縣思順坊老幼等普為法界敬造彌

勒像

蓋聞至理玄微起夫言象之域真身眇逸出乎希夷

之境而能人降跡隨緣利現紫狀西誕則珠星奄輝

白馬東馳則金人入夢是使三乘之軌齊驚入正之

門洞啟日用之益可略言焉自化洽三千之前道光

沒引塔盈八萬之後歸業寂然悲夫仙在難遇辟彼

□針人心易遷同茲斲石何則釋迦現於既往仰企

踵而不追彌勒降於將來俯翹足而難俟居前後而

成郭惟進退而莫□言念沈淪喟然嘆息乃與同志

百餘人等上願皇基永固配穹天而垂拱下使幽塗

載曉趨彼岸而清昇遂於茲嶺敬造彌勒像龕一所

地聳雙闕壁映千尋前泝清流却倚重岫縈帶日薄

密邇京華似耆山之接王城給園之依衛國也既資

勝地又屬神工疏鑿彫鑄備盡微妙以大唐貞觀二

十二年四月八日莊嚴斯畢於是尊儀始著似降兜

率之宮妙相初成若在菩提之樹白豪月照紺髮煙
 凝蓮目疑動莫昏似說其有禮口具足瞻仰尊顏者
 莫不肅然毛豎豁爾心開釋梵所歸依龍天所衛護
 彼丹青徒煥旋見銷毀金玉雖珍易以零落豈因山
 成固同乾坤之可久刊石為貞何陵谷之能質於是
 勒銘龕口式續靈儀其詞曰
 眞如眇眇正覺巍巍四宏動念八相流輝鹿園闡法
 鶴樹拂衣十方三世異軫同歸其猗歟逸多正眞道
 備踵彼遐武補茲佛位兜率降神閻浮廣利淨土口
 啟玄門罔闕其思睹聖容龕茲巖曲旣彫旣就將起

將躡釋梵冥感靈祇幽屬似會龍華如遊雞足其丹
 巖重疊清川滉瀆松桂灌叢聖仙來往影留佈鴿手
 威狂象妙包湛然歷劫瞻仰其石刻
 較全文九百八十九彌勒像碑多二十餘字

寧陽造像殘碑

春秋之缺書之表記惟公承禮樂缺潔身口義不踐
缺服指口天道於無物宿至缺俗缺六滅跡口口
缺渾缺智昇時同體口之識口口以為凡亦以缺飲者
 繼口乃云濟人之急豈無救缺境口邱口口邑居口
 臨口口勝勢口度命工鑿井缺見底紅欄口口倒影

涵空口綠楊以垂缺陰故事口口在口於口汲引口

口縛口不缺淨口口之如口豈非至人之口云為於

斯口大者缺藥口不口價西蜀賣口錢口百文皆德

臧公亦庶幾缺晏如囂塵不雜猗歟缺五焦氏更著

精誠缺口圓口天啟口口性缺四煩惱無佈口以不

缺住能到本處豈惟缺三字哉缺聖文神武皇帝爰及

七缺八眷属口其上缺相好斯具口大海成田缺九

在缺大唐天寶二年歲維鶉首月在林缺五申建也

山左金石志

省堂寺殘碑

上缺迴山掀海經天緯地缺密州莒縣慕賢里缺正議

大夫王須達孫定國東莞縣正甯道顯缺武騎尉孫

子貴飛騎尉徐道缺張仕達唐德威副督公亮缺合

三十六人等共捨五家之財建立佛堂缺於是運石

他山求師外國缺丹道崑崙缺雕題刻削缺妝散以

洛浦之珠雕繪以藍田之寶缺輕雲映月缺伏惟國

主帝王缺沸騰縱橫雌鬼缺瓊田香草繡栢文桐交

柯相映缺鳧雁鴛鴦缺重申言頌其詞曰缺元氣混

屯之初陰陽創建日居月諸缺東西正直南北相當

如來湛湛菩薩陽陽缺不敷春不落秋冬缺大唐永

口元年歲次庚口四月山左金石志

法筠殘碑

上事金銀造具口百口口口口髮玉簡及瑟瑟缺人

到缺之頃寺之門樓及鍾經等閣缺墜茨而未盡口

口沙門法筠者法將之雄缺崇焉極樂之所也嗟夫

大音希聲大覺無缺公缺忠缺心居其泊志處其約

或謇謇諤缺勸惡人缺懼任缺善人焉缺月缺孤懸

稜劍鋒長倚天外缺御史內供奉梁公侍御史內

供奉姜公缺兵馬使開口儀同三司口中監李奉忠

文缺清口卓絕口膺口口尤著口能共缺与施百缺

修缺心清淨缺旨屢迎兮歸缺生缺真容兮忘口情

琢巨石分讚休下缺石刻

會善寺殘碑

上畢竟空口歸我缺可於遠邇未嘗知倦缺敬而接

細侶畫力而衛法缺山之禍口述引是旋奉缺佛事

者缺旦日於上都安國寺趺坐如缺姑以建中元年

二月廿五日葬缺矣授官主之印蓋已久缺銘曰下缺

雙流縣福田寺殘碑

上龍德三年癸未勒石銘曰原其東接劍南益州之

阻口口引至蜀川之東北西自岷峨青城之來脈滙

注曲百江九十九曲之畢終合一江而下引縣治西

關石梁之交□□近面旄邱子午□□隱几後甬大

阜丁丙三奇阻山帶河□□泉水地胗虎踞龍盤人

安物盛下日雙流縣志

雙流縣丕樂庄孟蜀內侍殘墓碑

廣政□□□辛丑給內侍缺十葬于丕樂莊上原

一字孤松卻老□延年缺八詩卷不泯娛□晨夕下

雙流縣志

會善寺時居士殘碑

上等濟眾缺願故若男若缺至於奉前佛缺飲馬洛

唐文續拾卷十四

榮祿大夫二品頂戴前分巡廣東高廉道加四級臣陸心源輯

闕名

大唐司空開府儀同三司楊州荊州二大都督

并州大總管上柱國襄邑恭王之碑銘

竊維麗天凝景藩衛紀其躔次括地分區侯王胙其

疆域巨唐經綸帝業光啟靈圖茂功□□弘以□□

之缺九之□其有績宣缺四龍旂兼望重於親賢樹

英猷於家國者其在襄邑王乎王諱神符字神符隴

西成紀人也景皇帝之孫鄭孝王之子太宗文皇帝



之從父今上之從祖也昔繞樞流慶肇基□□貫月
□神嗣興寶錄齊聖廣深之德旣肸嚮於虞庭可道
非常之教亦葳蕤於周史景皇帝功高定霸珪瓚攸
歸鄭孝王業盛經邦舟驥斯在若殷契之佐夏景亳
終啟其祥喻姬昌之佐鄴鎬京乃隆其祚浮天引派
浚委咸池之源拂日疏柯遙披若華之景王累聖鍾
美積德垂裕辰象陶其粹氣山岳感其英靈抱義含
仁轅神宮而峻趾騰文擊武跨仙澗以鳴律雄姿映
徹逸韻韶舉曲臺宣榭禮樂以成其德□宇緇林詩
書以弘其道尋其軌躅矯如北唐之駕窺其奧秘煥

若東山之府屬江都不守中京圯厯毀續挺災噬驂
昭釁火焚彝器驚巨燎於炎崑水覆生舟揚洪波於
沸海戰爭方始亂離云瘼金刀興而素靈哭玉鏡隱
而黃神吟王剗跡韜光待時藏器智周朝野之際神恬
宇宙之間哉此□鱗潛孟諸而未躍理□大翼臨扶
搖而將舉我高祖大武皇帝撫歸運握禎圖橫姬鉞
攬軒孤正傾維於地紐締落構於乾樞掩參郊而大
誓望井域以長駟及四門□穆太尉翊□□之命萬
邦作乂司空膺□象之尊爰以茂親用昭縟禮義寧
元年封安吉郡公食邑二千戶仍拜太府少卿俄而

天地革運品物咸亨則大居宸履端垂統黃初受命
載隆禦侮之規太始開元式降分封之冊武德元年
封襄邑郡王邑三千戶餘如故轉雍州司馬展其驥
足仰叶題輿屈此鴻材俯膺持板德刑具舉寬猛兼
濟朞月成化輦轂肅清于時文軌未同國步斯阻西
羌煽禍猶拒彝城之仗北狄稱兵時引蕭關之寇天
子聞輦軫慮推轂仁能將申橫野之功必在光朝之
選乃以王爲平道軍將出鎮岐州其年除稷州諸軍
事稷州刺史儀軒戒塗閏景山之靈雨建旗臨境翊
夢渚之雄風照以秋陽流之各愛坐棠所以垂詠伐

枳於是興謠四年除并汾喜遼大榆七州諸軍事并
州總管以善政入爲太府卿加右光祿大夫檢校兵
部尚書大哉元氣制之者鼎臣赫矣天臺參之者國
器六材膺務八座分司蜀劔駭其光芒鄭履騰其
聲實固已道高損益効彰出納者焉九年除使持節
大都督揚潤常和楚方滁七州壽蘇越括歙宣舒循
巢九州都督諸軍事揚州刺史連率居綜兵之禮獨
坐受班條之任俗變偷生人無輕死義陽之牧涼部
威化臨邊太原之口許都忠謀口帝貞觀元年入爲
將作大匠兼散口常侍東園徙口藻悅凝華南郊陪

乘貂璫絢美神居博敞無慙百郡之吏武庫縱橫自表一時之傑尋轉宗正卿餘官如故既而留神口表探至頤於鳴謙屬想帝先遵炯誠於知止赤松可仰紫艾非榮巖廊逾峻屢竭叫閤之請綸璽載嚴未允挂冠之志王事非飾讓備陳誠懇有感皇懷方優散秩加光祿大夫歲時朝請防閤祿賜並同京官望極尊榮居惟爽麗門施桂板地兼山水雲華春苑登紫臺而肆日月淨秋軒避綺筵而命聳玳簪恆滿玉樹生光陶陶然不覺萬物之爲細也聖上以至口馭寓大明踐極丕承景歷率由舊章載仁宗臣首命儀台之

秩迺睠尊屬獨荷升輿之恩貞觀廿三年又下詔授開府儀同三司車同畫鹿服授文鱗居此達尊俾其終吉庶雍宮執爵膺乞言之大禮羸里鳴鑾奉升中之壯觀登天肇夢夾日成災遽切蒿亭之歌空祝麥正之壽以永徽二年五月薨於私第時年七十三惟王德包上善道邁中庸揭日月之鴻暉疏風雲之逸氣澹乎川鏡嶷然山峙管籥內嚴菁華外發抑揚賢哲又蹈功名之軌枕席丘墳不求章句之業孝敬莫極地義爲重友悌兼資天倫斯穆蘊奇略懷遠圖詞軌藏牙藝優摧豁分磨受律一劔非其務醜酒投醪

三軍被其德出莅藩岳美政洽於萌謳入司元凱雅
舉光於朝列觀有卮而取則深懼滿盈聽鳴弦而告
老言追閑躅位鄰中□敬賢之□不渝景側下□樂
善之心彌固不夷不惠非夷非隱含元自守居榮待
終所謂皇室之羽儀鼎門之標榜者矣而電驚虛曠
瞻駟影而不留星□德門託龍光而遂遠悲夫以永
徽二年歲次辛亥十月庚寅朔八日丁酉詔陪葬于
獻陵贈司空使持節都督荆硤岳朗四州諸軍事并
賜東園秘器儀仗送至墓所先是主上舉哀于別次
禮也子少府監柱國臨川縣公德懋鳳州刺史廣川

縣公義範懷州刺史上柱國文暕等並擢秀藩枝白
分華于棣屏呈材邦幹方演慶于槐庭而窮慕艱情
隨霜露而彌積庶先獻懿範將日月以曾懸故旌美
玄廬圖芳翠琬俾夫峯頽岷曲寄沉石以流芳室毀
滕城仁金生而表絢詞曰

巖巖崇構緜緜茂緒祥叶壽丘祉光華渚地德攸薦
慶靈斯仁天秩逾繁人英克舉其肇□磐石大啟維
城藩枝表式□萼標榮地隆芄蔣道茂□平惟良緝
譽樂善馳聲其馭俗垂範威邊作鎮惠政霜明德音
雷震玉府崇博紫機嚴峻列岳弘風括河疏潤其無

私逾洽聖澤彌深緬惟賢口遐覽口箴辭榮褫玉誠
 滿捐金貞風有勵雅俗攸欽其鳳邸臨年獲巖警曙
 軒蓋盈列歌鍾在御寒菊浮香春萸柳絮四美攸極
 百齡多豫其川驚箭水景迫輪曦玉摧梁竹珪落唐
 椅應滋帶草流澗書思寂寥陳跡髣髴崇規其地迩
 文園瑩通神闕梓庭杳靄松阡蕪沒寒木啼風荒墳
 思月琬字無味金聲靡歇其

大唐故左騎衛大將軍幽州都督上柱國琅琊

郡開國公牛公碑銘 并序

若夫仰觀成象三辰開上將之星俯察成形九地摠

中權之術故迺聞鼓鼙而伫想缺社告徵編星兆
 受天明命光宅域中制軒弧而駕羣材乘夏載而朝
 萬國其有克缺乎瑯琊公焉公諱秀字進達其先隴
 西狄道人也因官而遷于濮龍首驚雷之澤龜文負
 卦之濱缺之舊龍光昭於緇篆鴻伐旌於表綴因以
 籠冕奕代軌暎後昆者矣曾祖定後魏韓州缺顯街
 珠之瑞口齊潤仁敷導栢之流父漢隨僕州主簿
 洺州清漳縣令蜀客談星缺之禮童戲叶軍旅之容
 開八陣之圖非究覽於魚復體三畧之奧焉取鏡於
 龍韜天缺迎拒箕亡咸池缺一三口之華湯谷口七

枝之景縱崐墟之烈火決渤海之衝流三戶缺體命

曹隨之境口口橘柚之鄉咸造和門策名麾下白馬

之號徒缺癸缺廿缺王室缺三缺之缺而盛以下缺

大唐絳州聞喜縣令蘇府君德政碑并序

觀夫天下不可以獨理其惟列邑乎君上口存口共

缺五乎然則口公口聖口應中都口口叟口賢第

宅口壇之地禮節行而風雨順德被人口緹缺流功

懸日月道存之矣仁遠乎哉粵我蘇府君名昱字口

口魏都亭侯河東相待中則之十一代孫扶口武功

人也因封命氏昆吾之緒緒克昌賜邑疇庸司缺遠

繫書持節漢國仰其忠臣佩印乘軒洛陽推其說客

蘇冀州之口槩不受二天蘇將軍之盛名自高三輔

襲銅鈴而播社代有其才蘊金冊而凝禎時無其缺

上大將軍光祿大夫太子少保御史大夫國子祭酒

大理卿京兆尹吏部口部刑部三尚書尚書右僕射

開府儀同三司襲邳公又封寧陵侯房公皇朝贈缺

軍事陝州刺史出入兩宮光昭百揆封侯命將烏落

印而獸銜珠折獄提衡口不口而口口祖口隨晉

王文學太子洗馬鴻臚卿著樂志一部書重懸金文

高缺宮而一息光燭玳筵臨棘署而曾流望華口口

父儼隨尙輦直長皇朝晉州司功秩滿高尚不仕德
 爲□範言成士則仲雄藏器初從主□之班元亮遺
 名意缺節君以奇光照社異氣充庭龍翰鳳翼成其
 文璞玉渾金比其德王公孫之綺歲致黨時□劉儁
 □之儁辰獲稱邦彥□□有對日下無雙叔皮亡漸
 於上京伯缺太學萬言成諷百遍忘疲杜子夏之專
 精□□春之藉甚弱冠明經高第尋授右屯衛倉曹
 參軍業謝青襟名昇紫衛有司之恡克著於當官終
 宴之遊載推於缺擢授沛王府騎曹參軍尋丁父艱
 去職泣□三年墳高一夕坊魚躍鱗而入祭擗雉接

翼而來捫服關留君□府倉曹擇時賢也從容碣□
 荏苒□庭眷彼飛文缺右詳惟立政行馳狗產之前
 秩滿遷絳州聞喜縣令新城奧壤左邑遺塵澹涑浩
 □而疎川景霍差峩而連鎮夏墟傍□千樹成陰吳
 坂遙通七山相對蒼蒼葦缺於歲時晶晶蒲陂澄日
 月於朝夕□鼎衣冠之盛卿有八裴士風名物之□
 地推三晉□其身世奔德恆仁義足以禁非禮教足
 以敦善下單車而府庭無事缺界肅然猛獸惡禽咸
 避不缺字五孝□□□和寧之風□在愛人善□從政
 武康刑□未勞旬月之間餘杭化行詎待葦年之後

唐文續書 卷十四
不
澆其澤者樂道而忘歸聞缺言而自勸問疾苦恤惇
□□□農□不□□□寒□□而萬寶□天地交□
百祥降爰有丘中之麥迴出兩歧缺四一□□□城
之五穗纖芒濯露秀色翻缺以樓稼作歌仲康以嘉
字缺四之□□□京□□蓄家室以績婦承□棗姬□
□化春歸歧路候蠶□而□鈞秋缺六而弄柱衣食
足知榮辱其斯缺猶御之以公方撫之以□□崇學
校缺七寬之布□察以臨之惟誠心以待之夫然故
盜賊空冤訟息經其邑樹木茂過其境溝洫深都鄙
有章缺無二價道無拾遺官曹□詔□□□椽史□

□□暇豫良辰美景自公退食俯中庭而披外閣□
磬學而敝琴堂接定陵之高士引臨邛之貴客談清
靜之缺時菓逮於耆德官俸給於□□可□奇缺九
吏吾効缺八鄉人祗聞□化若斯而已哉縣丞汝南
周大鼎主簿狄道董履貞縣缺恂行扶風馬嘉賓等
並□□□貞道缺十栖中夜不扃遽觀尉羅虛設一
□聯事載奉恩徽人無閒言我有餘地斯不亦休乎
惟君德缺膺久大道綜多能藝優□美風□□奕其
□天缺七自出塵埃之外穿楊百中運金鏃於神□
奉□千橋得銀壺於舊禮綠琴風警變卉木而振陰

缺 搖寫鵷鸞而圖日月三載考績殊口之美口彰四
口循環代口之期云口口人相顧老幼追攀街巷雲
蒸閭閻霧口門喧口鼓見葉令之初飛路咽口口屬
劉 缺 境萌庶鄉望老人縣錄事宋德本等或名推絳
老德重口人或栖息丘口優遊鄉黨僉以爲高陵善
化口闕口何口口縣休風侯登台而有日莫若激揚
微 缺 爰陳上蔡之詞或伫中朗之筆下官游汾口寶
仕晉非材至於是邦幸聞其政口王龍之畫像自口
口口虞季鴻之口聲非無載路義不獲已嘗試銘云
地方百里人雜四鄙清原近控絳山旁峙不有大賢

誰其口美粵我令德於焉口止 其 口口口聲貂裘擅
名其後必大莫之與京邳公人傑晉府時英顯顯 缺
其慶基華閎神儀天骨雅操凌霜虛懷入月探蹟書
圖窮微義窟是稱領袖口口簪笏 其 口欄口掌文臺
接口一口銜崇俄驚負口松竹自高笙歌變口幸 缺
長 其 其虛其徐清風穆如爰清爰靜政成下車誠口
應物神用藏諸德及春口仁霑夜漁 其 永言播殖深
惟稼穡授以治時口其地力秀岐嘉穎箱千庾億 缺
命織 其 折理通神乘機任人膏口不潤甌裏生塵令
口禁止時口俗口邑口口德家變忠臣 其 口口口舉

□□□序□□□稱□飛忽阻路泣人□□悲女士
缺車無所其謠童有焉思君悵然生祠愛結雅□功
宣登□不□拜尹行遷□陵可事守闕三年缺石刻

唐故登州刺史淳于公神道碑

上高國延長裔孫蕃茂□姜分姓始於姜□□朝□
地受封缺洋溢青編代有其人不可勝紀暨隋□□

朗為萊州刺史封燕國公蔭緒□勳缺覽之□不□

□□之驥缺直善於知□器之興宗家範缺則龍蛇

文闢□故晉國□公為缺勳廣平作牧公為國家缺

緝會□□之□為□□國之缺甫以解圍賴彈缺節

□□□以寄缺績缺四受代陝缺曰可□□矣固知

彼有人焉缺列戴知己之恩□□已屬於缺之在人

舉無遺策復缺郭尚書從晉公之缺府謀策職在□

公□公既授節託公缺魏王舊國□□仙鄉非開達

無以撫缺迎奉急徵詔曰爾頃佐元勳□國缺思之

節詔到便可赴闕別行委任公捧詔缺寧戚之懷難

抑纔終禮制便欲徵還缺之規仁察頌條之政歸□

與缺之盛□□無倫先是所部狂寇縱□□民□公

至缺禮以遇物缺靖缺公而終公缺百□狀缺然缺

故太子少□□公□之缺於□□可□□清師□

尉缺

感慨天子

下缺山左金石志

唐幽州內衙口將中散大夫試殿中監樂安郡

孫府君神道碑

并序

一物不受無私照乃不阻之流則知天地之仁其賴之彼始終之道茲聚散之古今其也府君諱壬林字茂卿其先安樂人也姬姓周文王子武王母弟唐叔為衛侯居河淇之閒司寇賜以衛器以彰有德傳嗣康伯孝伯伯至真伯子頃侯五周命為侯

頃侯子釐侯釐侯子武公之政百姓和集周幽王遭犬戎之難武公將兵佐周平戎其有功平王命命衛為公為衛上卿邑於其孫武仲以王父字為氏焉繼位上卿良林著於春秋其後孫武入吳王闔閭將善用兵於齊宣王將魏將於馬陵虜魏太子名護子孫遂居齊安樂其孫會宗安太守曾祖諱潤字澤軍光祿大夫檢校子祭酒兼御史中丞祖諱進烈孝諱幽州內衙將府君弱年仕壯歲從戎負扶危之

□□□□律頗識士□□虧三令之威不挫万夫
 之敵累遷幽州內衙副將加中散大夫試殿中監以
 □□□□□□□□七□□□□□□□□別□
 遊從率逸卜勝□□朝昏而猿鳥吟風掩暎而煙霞
 簇□佳石經逼近緇毳交衝或□□而□□或緣□
 而訪道□□□□□律大德知聞□深出入無閒道
 □而連宵繼燭□心而對景忘機□可謂在家出家
 □□通達□也更以□其資□□□□□□修蓋
 中溝山院佛堂一所并畫佛事內立□命經條一□
 別業□內蓋佛堂一坐塑其佛事立□□□經□□

□福□設夫人□□□□□亦□□□□□一門
 積善千里瞻風念念無差豈無靈祐者□□四年十
 月染疾終□□州□□□□□□□□春秋
 七十九以□年十一月葬于別業之西南二里□□
 禮也有兄曰孝□□州馬步軍軍頭游擊□軍□□
 監□□中郎□再男二□□□克紹□□□□未
 仕孫一人存□有女二人長適天水趙氏次適彭城
 劉氏有姪一人曰自□幽州內衙□□官□校尉□
 率府中郎將□孫□□思□府君承家闕閱襲世□
 □好善禮賢輕財□□□□設□之□□□□□□

唐文續抄 卷十四
□□□□□□□□齊孟常之門□上客連襟□
虛運之□□高人繼踵率□而忽遊□□□而□
□□□□□□□□□□□□府君□□□□
□□□□□□□□骨肉□□□□同□□□□□
□□州軍□□□□□□□□燭易□□□□□□
川之浪徒燒□□之香□□代推移陵谷遷變請文
刊石用紀徽猷□□以不才恭命而作詞曰
□王高□樂安□族百代聯芳千年令續武壯羣英
文彰列宿業盛江東雄豪鼎足□有裔孫志高不羣
□年習□弱冠從軍祖効勤□□繼殊勳年代遐遠

爲□所聞缺四字創茲別業□命缺三字生其□巷□深
沉驕嘶□□□盡龜齡□□馬蠟□哉府君孝義難
缺五字 骨肉□□歸依福地顯豁高門□勒□石以貽
後昆光啟四年歲次戊申五月丁酉朔十二日戊申

建石

唐故濟州別駕李府君墓誌銘 并序

公諱絢隴西狄道人也高陽之緒庭堅之裔佐命於
堯因官賜氏冠冕摺紳昭著圖牒者也銀青光祿大
夫兗州刺史驃騎大將軍贈冀州刺史諡景公爲國
之棟梁佐時之羽翼祖皓散騎侍郎征虜將軍涼州

唐文續抄 卷十四
刺史高庸懿績當世所推父士操安東將軍南兖州
刺史梁郡太守富平縣開國子英聲茂實光映朝府
公夙挺珪璋早能砥礪奉親以孝事長唯恭金玉相
暉克隆前構解褐荊州司倉大業之初任彭城郡司
戶屬隨運道銷寇盜蜂起懷集有方吏民安息轉任
彭城縣令皇祚肇興擬西徐州刺史武德四年勅授
濟州別駕公宏謀遠略王佐之材梁棟之志未申士
元之足將騁在公貞幹治術嚴明厯官駢馳並著庸
績方欲躍鱗滄海矯翼雲霄未及搏空風力已盡武
德五年五月十日遘疾終於官舍春秋六十有五以

貞觀廿三年歲次己酉十二月辛未朔十二日壬午
子遷窆於河南偃師縣之西原恐陵遂谷徙事絕名
沉敬勒徽猷式昭鴻烈乃爲銘曰

高陽茂緒庭堅盛宗因官賜姓鑄鼎銘功世稱模楷

奕葉光融冠冕相繼徽音克隆其一積善勵德載誕哲

人摩霄振羽衝波躍鱗門資良治家有搢紳筆華喻

蜀詞高劇秦其二鑒同許郭行侔曾史價重珪璋名高

杞梓功業未就遽歸藁里教迹空存音容莫視其三丹

旂冒露素蓋排空松寒月冷隴暗塵紅有子純孝長

號樹風恨泉門之永閉痛玄夜之難終石刻

宋都尉墓誌

君諱舉字思進太原西河人也出自帝嚳殷王之苗裔若夫周封微子錫九命以分都漢拜宋宏列三公以讚國沿茲以降軒蓋相承騰茂飛英不得同日而言矣祖秀齊鎮遠將軍父悅隋擢爲本郡中正君維岳降生含章聞起正心孤聳凌百丈之松逸足迴馳超千里之驥搏風迅上勁羽薄於穹天凌波遠泝巨鱗橫於大壑大唐興運更造二儀清氛稜於區寰掃羣兇於九域君擐旗斬將名震霸功滅敵摧城動參王業特授儀同三司非其志也君歸依上道充念朦

固凝心寤滅之塲託想無爲之境不謂夢奠兩楹沈疴二豎飛龜之散勿驗於留魂畫龍之符無論於救疾大唐永徽二年六月十四日卒於私第春秋七十有一士友駿奔親朋辦踊啟手啟足乍隕乍生嗟天地之無心恨靈祇之爽德輔仁與善諒曰徒言積慶延齡竟成空說君履道貞純懷鉛握素仁義播其徽猷孝弟揚其茂實雖潛暉山水聲聞九澤晦彩林泉譽流三輔嗚呼名存身沒寔追悼於當今物在人亡更悲涼於古昔夫人裴氏鍾氏冠蓋良家公侯甲族年齡不竟風露先晞窀穸之所旣宏窆棺之禮從吉

卽以其年十一月十三日合葬於州城西二里南望
羊頭雲蒸觸石西通漳浦水氣沈潛東臨百雉之城
北枕三垂之嶺山形起伏還符白鶴之祥地勢風雲
更合青烏之侯嗚呼乃爲銘曰微子歸周九命封植
宋宏佐漢三公建職作帝鹽梅爲君羽翼奕葉英賢
蟬聯盛德其惟祖惟考乃文乃武蹇諤匡君忠貞翼
主功被山河德資茅土價重十城名高九府其君之
嗣也克復前蹤儀刑模楷詞令温恭舉旗斬將名立
功成惟求上道寂滅爲宗其五福無徵兩楹作夢龜
散徒聞龍符無用士友駿奔親朋悲慟昊天不弔奄

焉長送

其

裴氏鍾氏蘭雕桂折玉色消沈金聲永絕

織女還星嫦娥歸月迴帳泉門光輝此滅

其

寒郊寂

寞川空鳥思隴閨雲昏松吟風馳望道增愛看碑落

淚一朝今古千秋銘志靈識何從新封此地

長治縣志

樊宏度墓志銘

君諱寬字弘度蒲州河東人也周樊侯之遠胤漢南
陽令德雲之末孫若夫長源帶地共德水而齊流崇
基極天與嵩岱而俱峙祖贍齊右衛將軍寧都公英
規振遠雄略從橫同夏日之威比秋霜之勵父匡隨
刑部主事神機朗鑒懿德鈞深朝野挹其楷模縉紳

唐文粹卷十四
欽其令範君家承闕閔挺秀儀形稟天質以貞明不
銅鏤而成寶汪汪萬頃湛雅量於黃陂千丈森森秀
和松之直幹敷信義於交友盡敬愛於閨門爲宗族
之珪璋寔鄉閭之領袖隨季版蕩天下分崩戢曜
潛輝不干名利玩琴樽以取適託泉石以娛情高蹈
風雲蕭然自逸方憑賞趣望保遐齡膏肓之疾未瘳
風燭之期奄及春秋卅有九沒於私寢夫人韓氏稟
閨帷之訓秀絕代之姿六行發自生知四德元資天
縱初笄之年歸於樊氏虔恪朝夕禮則無虧孌婉温
柔琴瑟方韻降年不永早邁天傾誓守兩髦閨居孀

獨悲懷紆鬱遂結沉疴先後異時同歸窀穸長子師
廣弱冠早亡三女見存出成他族其女等傷禮祀之
無主痛神靈之靡依荼蓼縈心哀懷罔極其營泉室
孝備始終以大唐顯慶五年歲次庚申二月壬申朔
十三日甲申合葬於故錢坊東北一里恐高岸爲谷
大海成田託諸金石冀無忘焉乃爲銘曰

門承積善餘慶方隆鍾鼎代襲蟬聯靡終哲人繼武
克紹光融如金如玉惟孝惟忠其一驚川易逝隙駟難
留蕭蕭風樹微微夜舟一歸郊野萬古荒邱唯餘令

問承播芳猷

其二 石刻

周故監門校尉陳君墓誌銘

君諱叔度潁川長社人也唐君握鏡乃命氏於媯濱
周天乘乾卽受封於陳國其有聚星號美飛鳳延祥
史策明諸詎待誌也曾祖諱道齊儀同三司營州刺
史祖德茂齊右武衛大將軍廣陽郡王或褰帷作伯
翼亮齊朝或封爵稱王維城鄴甸因官樂土食樗懷
音昭穆相承爰居此地父敦隨勳侍勵威府司兵公
迄乎知命旣而心遊方外道逸闔中規老室而體空
挹莊談而小物逍遙得性散誕怡神豈期孔伋頽山

稽松陸榦春秋七十一上元元年九月六日卒於私
第夫人太原斛律氏祖文端唐任梁州廉讓府驃騎
將軍父又金紫光祿大夫靈州都督府蜀永州司馬
結禱歸我作嬪君子之門合卺申儀用媵良人之室
柔荑表詠雅譽重於詩人束素稱妍媯容彰於賦者
四德兼備六行無虧積善無徵奄纏痼疾春秋五十
以麟德元年四月廿二日歿於內寢以大周長安三
年十二月丁巳朔十日丙寅合葬於鄴縣西卅里野
馬崗大井村西二百步平原禮也龍堂已構鳳穴斯
成痛蒿里之無歸恨窀穸而長閔嗚呼哀哉乃爲銘曰

祚土唐年受封周日侯伯之職王公之秩濟濟冠蓋
雍雍文律其一傑生賢胄挺出俊人攸稱義府是日德
鄰松貞竹勁桂馥蘭芬如何不淑哲士其哀□□走
敬孔仍山頽隨會不返陳焦詎迴石刻

師言墓志

君諱某字師言潞洲上黨人也其先炎帝之後祖壽
齊鄉郡守決訟舉善道敷庶績父英任州主簿屬隋
室道窮中原鼎沸橫流亟亂危途屢踐暨乎代故將
表而良時已逝乃歸閉舊里養素邱園有道無時空
懷子輿之歎居常自得雅叶啟期之旨君識字凝深

器畧宏遠松操不改於窮濫竹質豈移於歲寒俄而
顧復無依几筵禮革春秋五十有九卒於私第以總
章二年歲次己巳十月甲午朔二十八日與太夫人
王氏合葬於州城西北五里于時愁雲慘而原野晦
悲風起而林檎秋勒遺芳于元石庶作固于風猷其
詞曰

荒涼原野悽愴山川霜霑秋草樹沒晨烟元臺不曙

白日何年長治縣志

孟善玉墓誌

君姓孟諱善玉齊州歷城人也自軒邱誕慶若水疏

瀾奔葉聯華君其胄矣君雅亮高致風猷軌物動爲俗範言必鏘金夫人阮氏毓德重門早標令淑好齊琴瑟恩洽諸姻瓊寢禍謙金風墜葉里隣絕相行路增感粵以咸亨三年歲次壬申二月癸亥朔十一日癸酉合葬于州東北二里之平原禮也恐河神斂口海若居桑庶令德之長存鏤斯銘於泉戶

石刻

大唐故道王府典軍朱公墓誌

并序

公諱遠字元通若夫峙茂族於陽陵聲高俠窟植華宗於沛國業峻儒宗是以貞宣易名騰士林而結藹文忠孝行振家業而連芳代襲珪璋門傳紉冕曾祖

廣鎮軍大將軍神窮豹略藝洽隼塘恢七校之宏摸闡三門之祕術祖綽齊洛州長史升榮展驥底績効於康莊奉職題輿令問馳於輦轂父寬隨嵐州司馬卷舒人野之際隱不違親逍遙得喪之間貞不絕俗公騰暉驥浦夙標千里之姿濯耀驪宮早發十城之價禮而後動苞五本而潤身謙以自居蘊四美而光德暨乎解巾捧檄挹投翰之雄圖攬轡升車篋調蟲之小技俄而擢拜絳州同鄉府果毅趙冠耀首越劍文腰神交黃石之符訓洽青巾之侶固已望華蘭錡聲重羽林三臺推殉國之功六郡掩干城之譽於是

皇枝列壤資武略以恢藩帝業分珪伉戎昭而肅邸
遂轉公爲道王府典軍風驚楚澤時陪鴈沼之遊月
上梁園屢奉猿巖之宴旣而光衰蒲柳景謝桑榆固
申匪石之祈頗展揮金之樂萬里封侯之願終屈志
於風雲百齡遷壑之斯遽纏悲於霜露以咸亨三年
九月廿五日卒於大賢里之私第春秋七十有五卽
以四年二月廿八日遷葬於咸陽之原禮也長局萬
古終寂寞於滕公永託九原空流連於隨會嗣子護
任三原縣天齊府左果毅哀纏霜祀歛結風枝撫松
劍而無追贍楹書而靡託敬刊沈石永播芳聲其銘曰

慶發指河祥開鑑日譽宣蘭檻威橫石室猗人誕命
荷茲隆吉逸志請纓壯心投筆策名羽校委質玳筵
飲石餘勇揮金暮年光賢薤露影謝蒿泉山悲夜月
隴思寒烟咸亨四年二月廿八日

石刻

大唐故正議大夫李府君墓誌銘并序

君字聞禮諱才仁隴西天水郡人也曾祖字啟諱開
周儀同三司直閣將軍祖字信諱僧隨任散騎常侍
車騎將軍父字宏諱壯皇朝銀青光祿大夫君字聞
禮諱才仁皇朝正議大夫夫其泉源溶發奕葉重暉
委質策名咸編武帳公以幼少之日乃逢隨季崩離

唐文獻公 卷十四
成立之年遂屬經綸之始公用謀略應接義旗蒙授
正議大夫戎昭果毅唯公鑒識玄遠博達古今榮利
不趨知止不怠口激兵教口口遞來恂恂如也豈唯
司寇彈口口酒非口口生履口行口口口口口口
口斯餘慶庶壽遐年搆疾不痊俄歸蒿里公春秋八
十有三永淳元年六月廿六日終于乾封縣待賢坊
之私第卽以其年七月十八日葬于高陽之原禮也
白楊蕭索青松森聳露朝晞權華夕拱乘田易變
帶礪難憑敢勒斯銘沉之玄室嗚呼哀哉乃爲銘曰
逝川東注白日西流死生有命奄忽移舟墳塋將啟

驂馬踟躕丹旌前曳素猷後遊人生到此天道寧周
長歸蒿永別城樓 石刻

大唐故處士賈君之墓誌銘

君諱文行字欽賢平陽人也自電影上耀軒星下輝
色辯兩儀混分元氣旣錫士以賜姓寔誼公之派焉
祖勣才綺秀冰藻縟花鏡成文綴口二馬羞風著述
華鮮兩班慙聽賦下量高齊任龍州江油縣令善温
慈厲叔度未方屏盜息姦西門詎擬父端隋任太僕
令觀律呂於指掌納鍾管於胷懷則五星以候四時
法三辰而調寒暑故得陰陽順序六氣不愆大庇蒼

生弘濟黔首方圓中禮規矩可儀君綺歲英奇翫琴
書而暢道齟齡雋異好籟箎以申能年十八隋召爲
太祝庶幾清慎居職有功動入鹽梅言成准的依仁
遊藝非禮勿言作朝廷之楷模爲鄉閭之軌範時當
隋末之際乃屬蕩旂之辰遂爾隱遁墟虛棲墀巖石
風月悅志煙霞賞心豈謂琛璧蘊於荆山明珠藏於
漠浦何期隆年不永忽遇沉疴膏肓之疾未瘳風燭
之期奄及春秋七十有六歿於私第夫人北平田氏
足恭婉淑三從之義可遵惠質貞心四德之成合軌
年八十有七奄從窆窆以永清元年八月十三日同

窆於百羊城南二里爛石山西之原禮也龜筮告祥
安其兆域恐山爲碧渚水變清谿故勒斯文乃爲銘

曰

瑤光貫彩啟瑞吉祥虹月流輝肇膺顯彰德美清貞
擬輔忠良去周不仕至漢稱王汪汪玉貌口質幽房
濟濟紅顏潛形窈窕堂金鑿罷酌碧尊休嘗佳人口饌
美室空觴石刻

游擊將軍趙智侃墓誌

口諱智侃南陽人也其先承帝顛頊之苗胄隆周之
別族若敖之胤趙文子之裔奕奕邯鄲傳光周封黼

猷相承歷晉卿之後自我先君肅侯之代名振九邦
爰洎敬侯聲揚遐邇終晨假寐愛流冬日之暉朝夕
匪虧卿大夫傳嚴明之美神馬覆育分爲二族之昌
秦雍興宗青益任四川岳牧君卽京兆侯元鳳之十
代孫司空公之支派因官京師今爲長安人也曾祖
純隨任隆州新井縣丞祖謙隨任利州綿谷縣令父
僧德唐任天官朝議郎上柱國並器包瑚璉材實棟
梁詞令聞於綠墀章奏動於丹地玳簪珠履元僚光
展驥之能墨綬銅章下邑標舞鸞之政止戈爲武柱
國垂後之名七德俱兼高門降文武之効君拔俗挺

生異時閒出落落垂象有劔士之光芒郁郁騰文有
賢聖之氣色坐高林而臥盤石嘯明月而傲清風蕭
然獨王自謂神仙笑夢兩楹俄驚二豎不謂西州石
折已年之夢有期東國山巔庚日之災奄及孟嘗君
之富貴臺榭終平羊叔子之登臨江山徒在以聖歷
二年歲次己亥四月八日碎于神都來庭縣會節坊
私第春秋五十有九夫人宗氏悲夫逝川易往同激
箭而不追浮景難迴豈磨戈而能駐夫人慶鍾蘭室
才冠柳風執四德以乘龍遵二儀而卜鳳當晨起夢
始泣秦嘉之書徒宅垂恩俄悲張肩之扇成龍弱篠

染別淚以孤生待鳳喬梧抱空心而半死豈期朝露
溘至菱花奄逝以長安二年七月廿九日終於延康
坊私第春秋卅有七嗚呼哀哉桃李春風與子偕老
桑榆暮景攜手同歸生榮死哀抑斯之謂也慙分生
死之桐終合雄雌之劍黃泉路遠白日年深棲吹動
於簫笳愁雲暗其旌旒青鳥卜葬惟嗣子之纏哀白
馬奔塋逢故人之來哭粵以長安三年歲在癸卯二
月癸巳朔廿八日庚申合葬窆于長安縣神禾原禮
也其日同遷葬祖父母及叔等俱同塋限長子相玉
直司上護軍令詮次子上護軍萬慶等孝逾天性禮

備哀榮泣血無追思竭送終之範至於葬禮今古罕
儔痛結九泉哀深毀瘠絕漿止美顧悌高慙孝感飛
禽仲由聞而下媿庶防乘移谷變勒珍雕銘希海樹
遷陵千齡鑒茲遺誌其詞曰

終南東峙交澗西流寶符鼎氣口膺洪休其廊廟彝
器珪璋令名學綜三篋詞雄二京雲中仰德日下推
英其莫事王侯實欽巢許桂叢攀折芝蘭延伫人代
共貴天年不與欲聽雞鳴翻聞鶴語其家承積慶傲
俗遺榮一丘一壑無欲無營琴歌酒賦月契風情道
義相得林泉共清一歸長夜永闕佳城其鏡塵埋月

履跡封苔松深霧慘樹古風哀泉扃一閉幽顯悠哉
式追南峴用讚銅臺魂兮長去神兮無來 石刻

其貴天乎不與為謀
英其莫華王氣實為
器其新令各舉
祭南東執交酬
唐文續拾卷十四



唐文續拾卷十五

榮祿大夫二品頂戴前分巡廣東高廉道加四級臣陸心源輯

闕名

故人高君墓誌銘 并序

緬詠塵史遐探土記則有嵩巖誕粹是生惟岳之賢
渤澥疏靈代穆浮陽之傑君諱應字師仁本渤海人
也君恭恪柔凝邈邈澄峻昊穹昧信有爽福胎以大
周久視元年十二月四日邁疾卒於家夫人孟同郡
人也柔章內則碩德中宣躬儉家肥孫慈子愛享年
九十二以唐開元四年十一月十九日卒即與其時

葬城東南十一里平原禮也嗣餘慶泣孤□□□工
□恐谷徙陵移式刊銘頌其詞曰

渤海酌粹浮河效祉猗歟夫君秀靈居此嘉猷寔播
里仁爲美天不憖留生涯已矣習吉龜□歸魂鳥壘
哀以送終千秋此始 石刻

唐故太原府太原縣丞蕭府君墓誌銘 并序

公諱令臣字禎之蘭陵人也微子嗣殷源以之遠鄩
侯相漢流以之長至彪爲中書令徙居蘭陵代有懿
德會祖岑梁吳王祖瑾永修侯隨親衛大將軍父凝
趙州司功左授雅州廬山令公生稟淳和靡德不鑠

孝友資性直方立身若貞松高標良玉發潤俗不可
得而黷也代業不墜祖德聿修出入無違餘力成學
至於六經正始之道九鑰凝神之術四禪絕謂之教
罔不精該洞與心悟常曰吾遠祖漢相國何每僻陋
安宅曰若使後代賢師吾之儉不賢無爲勢家所奪
又外遠祖大尉震云無廣屋宇使後代知吾清白吏
子孫耳欽若二祖之訓克舉百行之美至哉年弱歲
丁廬山府君憂泣血絕漿幾於滅性鄉閭遠邇無不
嗟服解褐荊州當陽丞德禮變荆衡之俗改授汾州
介休尉直諒成汾晉之風袂滿從調會府屬冢宰氏

大練多士尤旌書判密名考覈示人以公判入第二等超授北都太原尉羨才也累遷太原丞寵政也噫天縱其能而不與其壽以久視元年正月九日遇疾啟足於太原之官舍春秋五十六公體惟真素行實高逸業固豐碩器則冲深抗節加乎彝倫立言成乎不朽誰謂與善曾不遐齡壯志溢於白駒遠圖歿於黃綬悲夫夫人南陽張氏鄆州刺史偉度之孫洛州長史越石之女祇若婦德克閑有家宣昭母儀撫訓孤嗣義方既著棠陰不留以開元八年六月十三日終於河南縣政俗里之私第春秋六十四以開元廿

三年二月十日遷祔於清風鄉安樂里之舊塋禮也長子寬濮州濮陽主簿不幸早亡次子寂幹蠱用譽丕烈克揚孝感終身哀荒罔極於戲茫茫天壤鬱鬱山河積餘慶之無窮知子孫之逢吉銘曰

殷臣播德漢相流慶才賢繼軌子孫其盛矯矯高節忠孝自然安仁體道知命樂天莅彼二邑人以康理聿來汾京獨擅其美牧卑晦迹志匪徇榮天假之才而奪其齡玄堂神邃貞石載刻万古千秋潛靈紀德

石刻

王府君墓誌銘 并序

唐文苑拾 卷十五
君諱守忠字元德其先太原郡人也自周王錫族子
晉疏源離翦並譽於秦朝陽尊連芳於漢日至於蔡
邕倒屣呂虔歸佩讓鄰棗以抗節筮淮水以期昌聲
馳八紘宗播三兼故君爲上黨家矣曾祖暉祖義父
淹並晦迹衡門養神邱壑侔曾閔之孝友逸老莊之
節概君文武不墜行能起邈敦詩閱禮見稱童孺之
年矯矢虛弦挺譽弱冠之日應良家之選備羽衣之
林一衛軒墀屢移星律勉慕仁智放情山水屏囂雜
出氛埃別業蕭條新開柳援閒居蔭映舊是桃源鳴
呼川閱不停山頽軫思忽棄北堂之壽遽從東岱之

游開元廿年六月卒於私第夫人隴西氏四德先著
久閑於內則三從不爽尤契於母儀南國雙鸞乍分
飛而失伴豐城兩劍終合響於同游蘭堂未盡於遐
齡蒿里何催于此日開元廿六年十一月卒於家享
年七十新婦新平馮氏次子承休之偶也悼彼綺紈
宛若桃李千金窈窕正下於星橋二八娉婷何先於
月路開元年十三祀三月歿於室甫年十八粵以開
元廿七年歲次己卯二月癸亥朔二十八日庚寅合
葬於潞府城南三十五里蒲池村西北二里平原禮
也東臨滄海翩翩翔鳳之川西望秦郊翼翼分疆之

地南觀峻峙是仙人跨鶴之鄉北眺隴巖爲神叟伏
牛之士孤子承業承休等感深風樹路斷雲天俯懸
兆而魂消仰慈廟而氣竭敢鐫金石永紀芳猷其詞
曰慶開傳序兮茂禎祥天道何遠兮斯淪亡郊原一
望兮淚沾裳邱隴千秋兮增感傷日月居諸兮同歸
於化敬題琬琰兮地久天長

長治縣志

董君墓志銘 并序

詳夫孕質銀河凝神珠浦朗搖光之鑒晰瑩水鏡于
澄漪金紫光祿之榮銀青大夫之職泊茲以降代有
其人君諱師字德行望本隴西董狐之苗裔因官此

郡人也曾祖道祖緒本州子錄事父騎都尉器字澄
邃局度洪深禮教修於鄉閭仁風扇于里閭福不祐
仁儀鳳三年三月二日終於家第春秋四十有二夫
人裴氏淑質凝輝應鳳祥而在則芳姿湛彩撫鸞舞
以裁規閭里挹其輝猷郡邑欽其禮節春秋六十有
九開元二十三年歲次乙亥正月戊午朔二十八日
巳酉窆于南董村東南一里之原禮也嗣子立言循
陔動思陟岵興悲執遺硯而長號抱藏書而永慟扶
毀瘠之力用疊高墳分滅性之餘以崇棺槨恐山移
岸徙勒石爲銘

長治縣志

王府君墓志

君諱盛其先太原人也蓋仲宣之後因官爲上黨人焉曾祖達卓爾不羣氣自天秀恭而有禮卑以自牧謙謙君子人無閒言祖廣稟質挺生瓌資人傑道無不適學藝博通恥州縣之徒勞守邱園以徇志公幼而知禮長能訓道鄉曲先其孝悌朋友許以信諾蓋百行而不乏亦十室而有鄰加以教子義方必依乎禮垂其汎愛不違於道嗟乎德行推先善慶門積誠可高門待封何乃蒿里先歸且夫善人爲善自強不息天之報施何其顯歟春秋八十有六以開元廿六

年五月五日卒於私第母郝氏宣慈惠和恭敏勤恪挺生其質廉靜天資以先天二年九月終於私第繼母陳氏是曰慈母訓子從道豈伯奇之能養亦子騫之盡力以開元廿六年八月卒於私第以開元廿七年歲次己卯二月癸亥朔八日庚午並合葬於府南五里平原禮也山瞻壺口表永固於千秋平臨堆阜冀不朽於萬古嗣子宗等痛高柴之泣血三年未嘗見齒怨曾參之絕漿七日幾至亡軀亦哀毀而骨立痛魂靈之罔象生事以禮死葬以禮式刊貞珉紀諸芳烈其詞曰

生代何幾兮難留風樹不靜兮何求德音冥冥兮超
忽魂靈泉壤兮山邱皇天慘慘白日悠悠泣誰怙兮
誰恃怨神道兮幽深長治縣志

馮處士墓志

君諱元字裕甫上黨人也卽馮亭之後裔五岳開基
三元輝彩功高翼漢道克匡周累葉相承派流斯日
曾祖龍齊任魏州長史美政及人祛飛蝗於千里慈
仁育物寬峻法於三章祖範隋任夏州博士擁座授
經得鴻名於北海下帷慕道騰令譽於關西父裴少
好琴書志窮山水重暮山之飲犢退朝歌之馳驟德

性恢宏潛名不仕君養志邱園同陶潛之五柳居家
孝友異田真之獨株每於書閣雲消動詞章於白鳳
墨池波靖望筆海於飛鴻白馬臨關謝事急於卽日
清琴向月赤燭養於今晨屬以積福無微易簣斯及
同兩楹之應兆若二豎之殃來旬月之間纏疴不愈
卒於私第春秋五十有七嗣子加輝卜葬於城西南
司馬村西北平原禮也左臨蒼海對蓬萊仙島之宮
西望昆池識漢帝石鯨之沼嗚呼哀哉嗚呼痛哉其
爲詞曰一從蒿里永秘泉臺白馬旣往非任不回痛
臨川之已逝感俗士之傷悲長治縣志

郭柱國墓志

君諱盛字德太原人也周號叔之苗裔郭伋之後卜
洛開宗賦江流脣分枝列位政績全殊林宗入朝驅
麟折角細侯敦信竹馬爲期備著縑緗可略言焉曾
祖寶任慶州華池縣尉父愍隋朝舉秀才維岳降神
名章挺秀敦詩閱禮至操風雲君蘊三略之英謀預
七萃之行陣往以龍遊浪水棄筆從戎鹿盡中原動
兼武帳回戈指日挺劍衝星勇烈冠於三軍忠赤衡
於一旅君智謀雙美文武兼資時展效以鷹揚得封
侯於燕頷言唯金石氣襲芝蘭晁物許其用遊遼第

聞於親執豈以百齡已盡千月遽空俄軫北遊奄聞
東首春秋六十七開元廿八載四月廿一日終於私
第嗚呼痛哉何期然也夫人馮氏並婦德夙彰母儀
堅著性諧琴瑟道契墳篋楚劍雙沈梧桐俱死春秋
六十開元十六載五月十三日終男神安開元廿六
載二月十日終以天寶九載歲次庚寅十一月丙戌
朔廿四日已酉合葬於郡南五十里平原禮也左隣
麥岫右帶龍山南望雄峯北臨孤嶺嗣子神太修陔
動思陟岵興悲谷變山移刊石正記詞曰郭尹聞望
馮氏正潔琴瑟兩諧潘陽雙絕勒銘兮幽泉千載兮

不滅長治縣志

大唐故人諸葛府君夫人韓氏墓誌 并序

原夫蜀王貴胤根英與金榦雙□神氣精粹先宗迺
 帝位之次下逮葛僅為九江侯三閭大夫其孫葛雉
 川為蜀中散大夫十七代孫諸葛韶顏齊任光州太
 守薊州別駕諸葛珪珪八代孫諸葛崇昌錦州太守
 鴈門郡主入為弘文觀學士曾祖良卿齊朝將仕郎
 夫人敦氏祖君尚赤縣尉國子博士漢州長史夫人
 仇氏君諱明哲樂道丘園逍遙風月池臺蔭德琴酒
 攄懷放曠閑居釋悶而已夫人韓氏早閑婦禮淑譽

閨儀堂堂然千古流芳濟濟然万秋明鏡遂使神龍
 兩劍前後俱沈儀鳳雙栖一時零落嗣子嘉亮過庭
 不闕習禮無虧故能孝悌力田和睦上下女大娘等
 冰清潔已貞順無虧名播於漳濱志同列女其餘解
 類而長堅乎竹栢妙乎幼儀長閑高節耿耿乎獨步
 河朔抗節乎雅超昇於炳毅挺和聲於庭範嗚呼堅
 金干於門首立猶莘於雲族古往今來邈矣悠哉君
 子道窮滋灑徘徊賢士竝宅太山其頽乎賢婦茲久
 梁木其摧乎大地淪於積水高天銷於炎火優哉悠
 哉聊以卒歲以天寶四載歲次乙酉十月乙酉朔廿

五日己酉以其年月日葬於故零泉縣西北一里半平原禮也有古人之風寔先王之乘梓左據滄海右羅行山前眺零泉之嶠□借洪岳之筭考茲沃壤建此墳塋慮以陵谷會遷桑田改變刊石勒銘迺為詞曰
 英秀雲枝奇精昂竭冰處日居柳楊特絕樹似山峰墳如大別錦列西樓銀口粉雪文武之道盛光於試宣義鵬軒龍騫鳳峙天生鼎族眾諸襲氣齊通卽墨趙讓平原□□之德威振八藩臨宜制敵虎視中原□龐同□万古千年 先天□□二月七日卒妣開

元十七年十二月廿九日卒 石刻

大唐故安化郡馬府君墓誌銘

公諱元倩字缺六人也□元命族鍾□承家蟬聯蘭

諫可缺三曾祖□隨州司馬祖隱檀州刺史孝慈藏

衛尉大□公幼而□聰長實茂異孝為德本忠能奉

君□里□□仁朋友深於信年始十有三屬天子事

於南郊公以俎豆述職厥有成績□從□於天官無

何尉滄州樂陵初筮仕也□滿□潞州屯留佐庶政

也更□宰慶時缺功也功洽于下所莅□方謂懸望

於缺三奄從於逝水嗚呼哀哉以天寶□年八月廿

唐文續編 卷十五
三日泣化於馬嶺之官舍享年卅八□摧梁木與櫬
空歸以二年二月缺長安之畢原禮也循子體温等
敢刊□□之銘曰

松檟蕭蕭兮畢之原蔓草□□兮□□山問□□此地
兮何可論石刻

大唐故襄陽郡襄陽縣令滎陽鄭府君墓誌銘

并序

公諱逞字逞滎陽原武人也北齊開府儀同三司魏
州刺史襄城公□五代孫湘陰府君第四子懷州刺
史盧師邱之自出也公性惟謙冲天假忠孝舉措必

由於禮造次勿替於莊篤信不虧出言無玷險詖者
慕義以變節剴復者聞風而履順懿夫伯夷之操寧
出是乎行已周身才膺筮仕以蔭補左衛三衛解褐
授金州參軍次授汝州龍興縣丞位當貳職政優百
里恩惠浹於編氓清儉播於中外本道廉察使以公
功績尤異特達奏聞帝用嘉之下詔甄獎擢爲京兆
府奉天縣尉公旣沐鴻造彌勵丹誠提振紀綱肅清
人吏投刃詎留於肯綮遇物必造於精微未逾旬時
已多弘益且畿甸察案盡爲英髦屬制命審官使臣
刈楚按察使以公負不羈之才出眾人之表因而昇

唐文苑英華 卷一百一十五
薦復被恩榮拜長安縣尉處繁理劇常有若於優遊
破堅摧剛曾無避於豪右秩滿從常調吏部侍郎裴
濯仰止高躅比擬要官公以太夫人在堂樂土關外
務於就養不願榮班以此懇辭請爲邑宰裴公深所
感歎稱於朝廷卽日授許州扶溝縣令結綬未幾酷
罰俄鍾號泣無絕於時水漿不入於口則曾史至性
夫何異哉服闋授襄州襄陽縣令開元十五載四月
遘疾其月廿六日終於襄陽官舍享年七十嗚呼早
天不惠哲人其委夫人博陵崔氏故鄭州滎陽縣令
德義女也作配君子僅變星霜未及夢蘭之徵奄先

同穴之禍繼室清河崔氏故宋州碭山縣處眞之
女也克諧琴瑟固有裕于宜家敬慎威儀實無慙於
內則嗣子誥璋念皆孝誠罔極追遠惟深卜宅兆而
至誠備靈輜以萃止以天寶十三載正月廿五日合
祔於廣武山之舊原禮也由是二靈信誓能從皎日
之期三嗣因心空結終身之感於以天長地久谷徒
陵遷瘞貞石以勒銘庶佳城之不昧銘曰
開國受姓自周而昌翼子謀孫爲鄭之良玉辰親衛
銅章作宰漢水峴山人亡德在上帝不吊大賢運速
宅兆未安思遠再卜日落新鄭風悲舊國靈衛送終

唐文續拾 卷十五
荒阡及哭存若浮歿若休時門古采漿水東流惟樂
石兮斯刻傳令德乎百千秋 石刻

古衍禪師墓誌

大曆三年三月五日古衍禪師墓誌僧弟子達立于
東院移日天雨花富地白鸛來翔傳授南宗承燈下
二口除心口挺生白樞法兩潤人堅冰苦口雍城陌
上青草路傍空聞天香鷲珠在戶羣生何仰勒石鏤
銘千秋長想道成法通知寂空寂真悟道幹等善寂
石刻

大唐故恆王府典軍賜紫金魚袋上柱國太原

王府君墓誌銘

公諱景秀字景秀其先太原人也周文之亂漢司徒
開內侯二十六代之孫也公早歲從戎文武兼備克
和忠孝風骨稟然器宇深沉朋流翕襲清規雅量特
立不羣授恆王府典軍賜紫金魚袋翼峻節橫騰天機
永烈蒼生有望輔翼邦家何啻天不憖遺奪我忠善
使魂歸墅隴魄散異鄉迴望故郊哀罔絕嗣悲夫以
大曆十一年八月十三日遘疾終於幽州客舍春秋
七十有八夫人鉅鏡魏氏立性溫和秉志貞操婦德
備於儀則恭讓逾於古今將謂琴瑟之義永遷何乃

先鍾斯禍悲苦重疊凶豐聚門以大厯十年九月十三日寢疾終於幽州別業春秋六十有三嗚呼卜兆良日啟殯有期歸葬舊墳合塋新櫬以其年歲在丙辰八月丙辰朔二十九日甲戌葬於薊城北保大鄉之原禮也長女十三娘次女明德次女端嚴次女淨德等零丁極塞所向無依號訴於天縻饋肝膽臨穴哀叫五內崩摧恐千載之後陵變谷移刻石紀功銘曰

歸葬伊何兮薊城北愁雲慘慘兮黯無色泉門一閉永不開窀穸幽冥兮云何極棄乾上瘞臺傍萬古千

秋兮人自傷

石

唐故高府君墓誌銘 并序

府君諱彥字懷彥其先渤海人也曾祖考燕高上不仕時号徵君焉府君卽是高道之長子也府君欽承先訓少聞禮經立信義於友朋備敬於親戚出言成教從善如歸不羈名位之榮自得逍遙之趣嗚呼天命不祐降此鞠凶以貞元廿年十一月十八日遘疾終於青州益都縣之私第享年七十九嗚呼存亡之數生人常分無足悲者府君理家奉親純孝至忠陸宗族以敬讓御鄉黨以恩信故其歿也咸痛惜之

唐文續編 卷十五
以其年十二月十三窆棺於郡城東南二里望泚鄉
之原從宜也夫人太原郭氏誓言偕老忽見孀居晝
哭口孤哀而知禮長子義恭惟嚴孝以因心欲報劬
勞之恩將修遷殯之禮慮恐年代深遠陵谷有遷乃
刊貞石勒之爲紀銘曰
茫茫昊蒼幽遠莫測哀哀哲人未始有極大川東注
悲風不息天地改容山川無色熒熒孝子負土成墳
藹靈余歿號叫難聞淒淒孤壠漠漠愁雲千零萬古
閉骨泉門 石刻

唐故吳郡朱府君墓誌銘

公諱陽字正中其先承漢侍御果公之緒今爲杭州
鹽官縣人也祖諱初父諱養公卽養之第四子幼有
壯氣長而敦行世之仰也公伏枕之日二子左右晨
夕不離出不改容人有憂色奈何天之命也嗚呼以
永貞元年九月廿四日終於此邑長平鄉之私第年
六十有七公娶閔氏有子長曰亮次曰清璿毀不滅
形哀而執禮以其年十月廿日窆於此鄉紫微山建
塋禮也恐桑田改而爲誌焉詞曰

長風蕭颺悲乎松栢一旦泉臺千秋永隔

石刻

唐故天平軍仗義將判官承奉郎試光祿卿飛

唐文編 卷十五
騎尉賞緋魚袋隴西郡辛府君太原郡王氏
夫人合祔墓誌銘 并序
府君諱仲方其先隴西人也皇考諱惟壹歷代綿遠
英哲世生修枝奔莖榮爵不墜其閒或道長晦名或
學優登仕楷模後世衡鏡當時經濟邦家扶持社稷
者無代無口青史具彰此不詳載府君卽惟壹之子
也幼而卓異不隨徇於里童長愈孤貞乃標準於流
輩聞詩聞禮克儉克勤六藝備身三端在己事父母
以孝敬無違處弟兄而綽綽有裕纔年弱冠投筆從
戎貂蟬委能賓僚獎賞遂補公爲前職故得名聞遐

邇道冠古今職烈軍前官榮憲綬誰料天錫永壽遭
疾東歸不幸以大和四年十月三日歿于青州私第
享年六十有三元戎嗟歎六親興哀里巷輟音友朋
摧慟府君禮娶夫人太原王氏洞達詩禮明閑婦儀
鬢髻晝啼克遵教誡公有嗣子三人孟曰文慶次曰
宗汶不幸早亡季曰從舉有女二人長適杜氏次嫁
成家夫人王氏不幸以咸通六年二月十三日遘疾
亦歿寢室享年八十有八志孝等天鍾志行孝道彌
彰泣血茹荼幾至滅性遂用咸通九年閏十二月一
日合葬於州城東北約二里驛城之原禮也伏恐陵

移谷變年代綿遠剗石烈字而爲銘焉

賢哲君子德行夫人有賢有德其體可遵天何匪謚

白晝俄昏喪此英淑哀冤詎論玄堂重啟以閉幽魂

陵移谷變佳猷永存

石刻

故來府君及夫人常氏次夫人郭氏墓銘 并序

府君諱佐本南陽人也君平生志操性本謙恭豈穹

蒼降孽忽邁私疾俄終厥壽權措故里早分今古夫

人郭氏年及纏笄口母禮適來氏則母儀貞 缺無虧

享年春秋七十有二終於兗州來君有子名叔慶男

女等灰心毀容泣血匍匐乃墨兆玄龜露口虛筮口

口扶護故府君及夫人來就合附以咸通十四年歲

在癸巳十二月廿九日於兗州瑕丘縣普樂鄉臨口

城陰村郡城東北六里平原禮葬叔慶痛見孤墳寂

寂松口蕭蕭又恐陵谷口口桑田有變乃命功刻石

爲銘銘曰

穹蒼蒼天日月高懸口照六合不口下泉櫛踴哭泣

唐故會稽郡孔氏府君之墓誌

府君曾祖諱年代深遠不載乎名先孝諱懷順本貫

青丘人也授職在軍任副將兼門槍官欠處班列負

竭力奉公忠信而謹節三端身口仁出儕流六藝道

昇俯衙俱美廿年前以婦幽冥夫人王氏幼從笄結髮行齊禮備貞賢左於琴瑟奈何不消仁德便此去留爲守孤兒糜經寒暑肩子二人是日從甥孝道侍親石求榮祿市易爲徒疑奉甘旨前年暫出滾沙口歲迴來疑存侍小疾命大夜府君享年三十有喪去大順元年四月廿八日終於私第克取當年八月七日葬於青州益都縣永固鄉之原大榮內永先娶妻黃三氏二人至日會耐大禮畢後娶任氏女無口見存侍奉有子一人馮哥有弟一人從禮調缺常寬弘雅志黃天不祐傷手足吉日耐近臨安府張氏口從

侍奉口存有姪二人忙忙女妹妹昔府君安座宅永口玄室大禮以畢後恐柔改易塋園變移故阡石爲記以俟他日詞曰

府君行堅立性難口爲情昊澣語無宿言濟人拔苦慈善心寬輜車啟路墳座高塥閭里傷嘆朋友追攀骨肉相送六親哀怨孤墳寂寂悲風落然口一住歸於蒿里永別萬歲千年石刻

唐殘墓誌

缺十一年以貞元三年歲次丁卯合耐于衛州衛縣君子鄉平原舊塋禮也長子濬前汾州西河縣丞次

子澄前綏州大斌縣令季子湜見任棣州獸次縣令
興言泣血恨不殞身哀纏罔極之誠慟絕斯文之下
多慚不敏敢綴銘云

江山降祉繼世公侯君子立德克嗣徽猶天不與命
才高祿淺獨存休風光揚茂典

司馬秉岳瀆之靈挺涪懿之德砥礪百行囊括羣有
持撫合度行藏適時孝友天資仁惠性授風儀亮口
禮敬明粹口之者罕究其器度矣此而言者義比春
秋後序大唐貞元三年四月一日記 石刻

論法師殘誌

上缺當日月之用不能贊其下精非聰達惠覺之士缺
生法師克契斯義用缺姓任氏弱而神清幼而缺行
緣缺自去遂授經缺覽又若缺石刻

臣陸心源輯
 榮祿大夫二品頂戴前分巡廣東高廉道加四級
 管原道真
 道真日本從五位上式部少輔兼文章博士行左大
 辨春宮大夫
 為族曾祖姑製服并令素服議
 檢開元禮曰皇帝本服大功以上親喪皇帝不視事
 三日又曰總麻三月成人正服為族曾祖姑在室者
 報皇帝所絕傍親無服者皇帝皇子為之降一等又
 案本朝令曰皇帝二等以上親若散一位喪皇帝不



唐文續拾卷十六

榮祿大夫二品頂戴前分巡廣東高廉道加四級

管原道真

道真日本從五位上式部少輔兼文章博士行左大辨春宮大夫

為族曾祖姑製服并令素服議

檢開元禮曰皇帝本服大功以上親喪皇帝不視事三日又曰總麻三月成人正服為族曾祖姑在室者報皇帝所絕傍親無服者皇帝皇子為之降一等又案本朝令曰皇帝二等以上親若散一位喪皇帝不

視事三日三等以上親百官三位以上喪皇帝皆不視事一日義解日不視事三日者唯爲三月以上服故也然則大皇太后者皇帝之族曾祖姑天子之宜無服制者也故本朝不列五等之親親遠也唐制猶分義理雖及半分文辭甚以鄙劣者又准之不第然則上上之第令條可尋中上之科前例非昧不第之絕三月之服服輕也明知皇帝廢事證據無文天下素服因循不例唯大皇后之尊名內親王之貴種禮制雖無正文同家宜有別議元慶三年三月二十五日

定太政大臣職享有無并史傳之中相當何職

議

臣某謹案記傳文書無大政大臣之文惟本朝職員令義解曰大政大臣卽是有德之選非分掌之職爲無其分職故不稱掌如此文者先師之釋更無可疑又案漢書表云相國掌承天子助理萬機丞相同之太尉太師太保皆在其下後漢書志曰太傅上公一人掌以善導無掌職太尉司徒司空共在其下晉書志云丞相非常人臣之職相國同之太宰太傅太尉司徒司空並在其下宋書志曰太宰所以訓護人主

導以德義也太傅太保同之就此等文案之相國太傅丞相太宰等位冠百僚掌殊常職本朝大政大臣可當漢家相國等又大唐六典曰三師訓導之官大抵無所統職無其人則闕之三公論道之官無所不統故不以一職名其官已曰無所統職又稱無其人則闕之可以唐三師當大政大臣唯我朝制令之意大乖大唐令條何者唐令三師三公獨專其官不備尚書省之官員我朝大政大臣雖無分掌猶爲大政官之職事斯其所爲大乖也元慶八年五月九日

爲藤大納言請減職封半狀

右臣氏宗伏奉恩旨忝授大納言身居非據位在具瞻銜瞻棲冰懼無與二重以就列槐棘封戶八百割土之賞臣既知其不功欺天之罪臣未計其所避鬼神惡盈况於人乎望請職封之中半將資公府之禮節唯所遺歲入猶足又伏臘還恐朝家以匱爲不知分量矣不勝懇款抗言以聞貞觀八年

爲右大臣請解左近衛大將狀

右臣氏宗言先修表狀辭讓重仍愚誠雖盡遂不聽省兢悚之深心肝如刻大將者國之弓馬君之爪牙也若無其人國失兵機君失武備焉氏宗泛覽官寺

黠閱府寮或有缺職連年猶無害者或有空官數月而無憂者至于宿衛豈夫可然古之聖人安不忘危先聲之談自備非常氏宗老病相迫筋力已衰月弦暗委埃塵霜鏘空懸蒲柳三思既畢十上何勞不獨營已專資忠國伏願特蒙天鑑遊路後賢貞觀十年四月十二日

爲源相公請罷右衛門督狀

右金吾之職位望惟崇臣忝得居其任皇恩不可以測臣自去春首臥病私門未效藥石之一功已見風景之三改仰思鳳闕悲不重趨空撫龍泉恨無再帶

伏望殊降鴻恩幸垂天量解罷臣職消損物譏若今遊魂可招以息殘氣得養而留然後輸懇誠於明時竭忠節於聖代不堪至情修狀以聞貞觀十二年

爲源相公重請罷右衛門督狀

右臣生去十五日修狀伏請罷右衛門督精誠不達天聽逾高臣之愚款抑而不許臣病根差結藥石無功效之期魂氣既浮衣冠斷趨拜之望若帶官班空填溝壑不唯負譏於下地亦將得罪於皇天臣盡命重蘇之時枯骨重肉之日灰身粉骨是臣願也伏望特播弘仁再迴聖慮恩詔一降察臣累聞不堪懇至

重修表狀貞觀十二年

爲右大辨藤原山陰朝臣請罷所職狀

右臣山陰謹奉去月廿九日詔命以臣任右大辨心肝失據冰谷增危臣業廢文章性無政事幸過覆燾之包容久偷祿位之過溢况官惟崇望職卽要機量其力思其列顯臣朱愚累臣白罪加之臣先上表狀請罷右近衛權中將慮無他貳專志在侍太上天皇誠概纔通適賜寬裕今當此重任更追先請人臣之節貴其有終犬馬之情何爲默止伏願殊迴照覽解罷所職蒼天蒼天察臣懇款不堪屏營之至冒昧以

聞臣山陰誠惶誠恐頓首頓首死罪死罪謹言貞觀

九年閏二月十日

請參議之官定爲職事狀

右伏見今之參議古之觀察使也考錄無法官位不明謹案續日本紀曰大寶二年四月從三位大伴宿彌安麻呂正四位下栗田朝臣真人從四位上向朝臣麻呂從四位下下毛野朝臣古麻呂小野朝臣毛野參預朝政本官如故又省去大同二年五月四日問曰觀察使無官位相當仍不注兼字而或云可注兼字何以爲正明法博士讚岐廣直答曰雖無相當

官員既備仍須注兼字弘仁七年六月廿五日問曰
未得解由之參議者預釐務□□判事物部敏久答
曰參議之號不載令條但大政官去延歷八年八月
廿日下民部省符備得省今月十三日解備被大政
官去六月一日符稱參議正三位佐伯宿彌今毛人
去月十日致仕已畢省宜承知依例施行者仍檢案
內無有依致仕賜收參議封之例今不知行狀謹請
處分者被右大臣宣備奉敕宜准職封減半自今以
後永爲恆例者今據此符參議准職事例然則未得
解由不預釐務同十三年四月十三日問曰前太宰

帥參議從三位多治比眞人身帶參議不預他職考
祿之法未知所云明法博士興江繼人答曰大寶二
年始敕任參議朝政然則可謂職事准據令條可預
考祿但相准官位事須處分夫則大寶初置之日卽
云本官如故大同決疑之時又曰須注兼字又未得
解由之人不預釐務不帶他職之輩可給考祿之狀
明法曹司勘申先畢加之頃年之例自職事拜參議
者至兼本官必有宣旨遭喪解任之徒奪情復任亦
降勅旨况所食者職事之封所載者除日之簿號之
職事所據非少但格式未立考祿馬斷之法官猶無

相當行守之文此其或可論非職事之故也若果謂
非職事則三位參議不帶餘官者當無家司所以爲
非職事三位也爰知可稱職事所據已多論非職事
或有牴牾望請被定官位考祿等之式永爲職事之
官謹奏元慶六年七月一日爲式部少輔爲省修此
狀
請秀才課試新立法例狀
策問徵事可立限例事
右考課令曰凡秀才試方略策二條謹案此令問條
有限徵事無期仍天長以往一問之中多者四事少

者三事尤少者每問載一事纔足於二問通而計之
遂留二事承和以來二條之內少則十二義多則十
六義至多則一句含數義猶謂之一徵分以言之已
及三十義後文前質理固雖然陳力展材何無程里
請立新制將勸後賢

律文所禁可試問否事

右職制律曰凡玄象器物天文圖書讖書兵書七曜
歷太一雷公式私家不得有違者徒一年注曰私習
亦同然則律條所制不得貯其書亦無習其術已云
不習何備試問唯年來之例被勅策問者題下問中

時觸禁忌然而問者無辜對者無咎此問之事可謂
生常今之學者動設巢窟不獨安己將又窺人假令
問者依例適發其微對者固稱畏法不習則得否之
決將至申訴訴者稍得其理問者反坐其罪罪科之
閒不可不慎請豫降處分令問答如流

對策文理可詳令條事

右考課令曰文理俱高者爲上上文高理平理高文
平爲上中文理俱平爲上下文理粗通爲中上文劣
理滯爲不第謹案文辭甚美義理皆通者所謂上上
也文辭差鄙義理共滯所謂不第也又檢前例文辭

雖非綺靡披瀝頗無大害義理雖非全通所對纔及
半分者謂之文理粗通文辭雖有可觀義理不及半
目則令條前例共無可欺唯至上中之文平理平上
下之文理其平偏案令文難可會釋更據前例又無
準的請詳釋令條明立流例不令詳定之官有所迷

謬

以前條事如件臣某職忝銓衡官兼貢舉謂試評判
苟居其任况秀才者國家之所重策試之道不敢爲
輕至件三事迷途未辨伏請處分謹奏元慶七年六
月三日

唐文苑英華 卷十六
勘奏神泉宛白麋狀

右謹案史記平準書漢武帝時上林苑有白鹿以發瑞應又孝經援神契曰德至鳥獸則白鹿見宋均注曰應宴嘉賓然神泉者古之上林苑嘉賓者則今之渤海客以今稽古應在明時圖譜所存宜爲上瑞臣伏奉勅勘申如右謹奏

爲侍從等請引駒日賜幄座狀
右侍臣之職陪從惟務大小宴遊座席隨設唯至引駒未有前例雖然當日早朝會集本所乘輿初出行列如常比至馬場出居大夫高昇殿上辨少訥言引

就幄中諸衛府并臨時候階下之輩各有所守容身就地自餘侍從東西分散及還本宮不遑赴集所司每加嚴呵閉口不敢措詞尋其所以怠由無座望請別賜幄座將備祗候送日之資儲在本局事須遞相往還不空幄下晚頭就例陳力無疲謹請處分元慶七年四月一日

請被補文章博士一員闕共濟雜務狀

右謹檢大學諸道博士明經之學所習惟大故官無暫曠五人全備算明法書音等生徒雖少常補二員文章則學業非小於明經博士猶同於書算非唯乏

周文編卷十六
少又闕一員某天性之暗人人難堪方今碩學成列
既有其人伏望被補件闕共濟雜務元慶八年二月
廿五日

為在中納言謝民部卿狀

右臣行平伏奉今月九日詔旨以臣為民部卿恩暄
冬日懼切春冰三省而慙一身無厝臣謹檢人民損
益倉庫盈虛雖繫國吏之常憂復關所司之明察故
既往任此職者皆是詳通政事廣蹈吏途僉曰之容
具瞻所屬而已臣累佩銀魚久忍尸素縱期粉骨已
無才智之可施空叩丹心唯有老病之相迫上畏玄

鑒下愧蒼生伏願陛下曲迴聖恩罷臣所職勿俾微
臣為天工之盜機要為閑曠之官元慶八年三月廿
一日

請解職狀

右臣某伏奉昨日任藏人頭之勅旨夢中之想經曉
猶迷冰上之行向春欲陷臣謹檢近代之例天安藤
原良繩貞觀藤原家宗同山陰仁和平正範藤原有
穗源元當代藤原時平同高經源希等或出自潢流
或生於鼎族其德也堪守芝蘭之種其威也足率鸞
鳳之羣未有凡夫懦士之能當此任以遺其名者矣

臣罷官南海歸命北辰枯苑更華死骨重肉馴闕下
而趨拜分已無涯列侍中以周旋恩何不趨古人云
服之不衷身之災也臣自謂褊衣短裳亦復慎之况
其職之乖人望乎况乎其任之違天量乎伏願聖主
陛下停臣所掌更選其人勿俾跛狎妄觸仙欄腐鼠
初汗禁省而已縱使臣凌崩浪於鼇頭臣豈敢辭命
縱使臣蹈畏途於虎尾臣豈敢惜身唯此非據之職
臣之所不知也寬平三年二月卅日

重請解職狀

臣不堪件職之狀以去二月卅日上奏右少辨希傳

勅旨云事須先舉可替之人然後辭退件職又奉口
勅云早從職掌不得闕怠自爾以來漸十六日進退
周旋莫不違禮奉行宣下皆斯失常加以某去三月
九日任式部少輔今月十一日兼左中辨此兩箇職
過分踰涯况復直瀧口撰書之所候御前侍讀之喚
所帶者二官所勤者兩役虛瑣之才難可兼濟望請
特被殊優將解件職然則寵光之中暫全傷翅恩澤
之下久養枯鱗不堪至誠重請處分寬平三年四月
二十五日

請令諸公卿議定遣唐使進止狀

唐文苑英華 卷十六
謹案在唐僧中瓘去年三月附商客王訥等所到之錄記大唐凋弊載之具矣更告不朝之間終停入唐之人中瓘雖區區之旋僧爲聖朝盡其誠代馬越鳥豈非習性臣等伏檢舊記度度使等或有渡海不堪命者或有遭賊遂亡身者唯未見至唐有難阻飢寒之悲如中瓘所申報未然之事推而可知臣等伏願以中瓘錄記之狀遍下公卿博士詳被定其可否國之大事不獨爲身且陳款誠伏請處分寬平六年九月十四日
請令議者反覆檢稅使可否狀

檢稅使始議之日臣奏曰臣所見只讚岐一國也以彼國之風論之若遣此使者頗有物煩歟其日大納言源朝臣以下二三人同有不快之氣其後令重議之場大納言奏所勘定剩物之內若半分若三分之一適被返給于事無妨參議源希朝臣等意雖無所專許偏被引公益遂無所因難臣某亦復如是其後使定之日臣須暫諫止其點使事盡愚心以窮可否而未得量決之間依有所疑猶豫不奏議畢之後伏思起慮欲罷不能其間一兩治國能知政術者乍聞此事無不愁悶越前守小野朝臣葛絃等是也又大納

言以下雖奏無妨之狀于今猶有內難臣厚蒙國恩早昇高官人之所不安曾不可隱忍凡此議初起之由爲勘出帳外之剩物以相補國用之不足也以名言之公益甚多臣始不固難之故是也以實論之物煩不少臣今所重請是也何者天下諸國其俗各雖小異其政孰非一同况乎世衰國弊民貧物乏是故或國司乖文法以迴方略違正道以施權議雖動不爲已其事皆犯法臣今舉三條之否謹待一覽之用

復奏囚人拘放狀

右臣某月十三日謹奉口勅云去十日令檢非違使

別當從三位中納言兼行左衛門督源朝臣勘錄左右獄中繫囚之數十一日錄奏既訖須朕親到獄對放遣而德不及古事未宜今汝者朕之近習也大師也列見罪人依實拘放令如朕之所念者臣伏奉勅旨十三日早朝率從五位上守左少辨源朝臣唱大外記正六位上多治有友左大史正六位上大原史氏雄等會集右衛門府升殿于時左右檢非違使佐以下召列罪人等祗候南門外大路臣召使等先令辨申所犯輕重使等勘會日記過狀一一執申其犯重其罪明者十六人左十一人右五人二人先死其遺十四

唐文續拾 卷十六
人卽加防援各還本獄其犯有疑其罪未定者四十
六人左二十八人右十八人令使等計列南門之前臣率辨以
下及檢非違使等著門中壇上胡床卽口宣曰奉勅
罪人汝等或被疑殺人傷人強盜竊盜或被告僞印
強奸投石放火如是等罪科法有限今如聞有司搜
實情之間空送二三年獄官尋證驗之內縱經五六
月須雖累年序雖積旬月愜定其犯明立其罪任理
出入隨事拘放然而別有所念直以放免汝等重有
所犯後日曾不寬宥者罪人等共稱唯或伏地嗚咽
或仰天嗟歎勅使府官道路見聞不勝感泣拭淚而

歸臣某頓首頓首死罪死罪伏錄事狀寬平八年七
月中納言蘇進士曰即日當問罪狀
不爲藤相公請罷職狀
右臣高藤謹言臣伏奉去年十月二十六日詔旨以
臣被任參議之列臣激勵愚性扶持病身晨昏備員
左右從事而衰老迫來宿疴彌倍計不上則拜除之
後及三百日量其力則尪弱之中過六十年縱使皇
恩忍以無咎如何天鑒明而不容思之顧之以畏以
慎伏願特降寵光罷臣參議不勝至款修狀抗聞寬
平八年某月某日參議從三位行近江守臣藤原朝

臣高藤某請特授從五位上大內記正六位上藤原朝臣
管根狀天鑿右臣某謹尋事意去寬平五年四月二日東宮之始
太上天皇勅臣曰此般東宮每事省略仍二員學士
闕而不補汝已任亮兼供執經云云臣頃伏奉綸旨
一身兩役而所守忽劇遂違勅命爰至于十月以臣
不遑執經之狀奏聞太上皇卽舉件管根令聽昇殿
管根晝夜恪勤上日明日每當顧問應對無私縱容
之次宿侍之間引經傳以發睿情搜章句以催文思

其所奉授者曲禮論語後漢書等秩卷有餘以口奉
習之類不可勝計加以管根對策及第之後七箇年
于今也准之前例謂爲晚成况年四十三多後等輩
伏願特蒙天鑒敘之上階一補成業之舊功一明侍
讀之新賞寬平九年七月日

請令諸納言等共參外記狀

右臣某謹檢去寬平九年七月三日讓位詔命曰大
納言藤原朝臣權大納言管原朝臣等可奏可請之
事且誨其趣奏之請之可宣可行之政無誤其道宣
之行之者而諸納言等疑以爲奏請宣行自非兩臣

更不可勤臣再三反覆詔旨云云奏請之人雖稱所指尋常之務無止諸卿加以臣業有文書欲伺閑以傳授身非木石思寄暇而攝治藤原朝臣獨自從政何堪每日頻參之役伏願太上皇陛下述去年詔命之意察今日申請之誠宣喻諸納言等相其令參外記然則庶務繁多暫無擁滯羣臣激勵俱致恪勤昌泰元年九月四日權大納言正三位兼行右近衛大將民部卿中宮大夫管原

決諸納言所疑狀

臣某謹言伏奉今月十八日勅旨諸納言之所疑一

朝冰解讓位詔之攸指千載日明臣素性雖劣丹誠最深奏請宣行盡忠不敢迴避養身傳業隨狀將得優游臣悅至焉臣願足矣昌泰元年九月十九日

請罷右近衛大將狀

右臣某出身儒館偷職武官三四年來罪深責重伏願聖主陛下曲降鴻慈罷臣大將不勝惓切之至修狀以聞昌泰三年二月六日

爲藤大納言辭右近衛大將表

臣氏宗言臣伏奉恩制得備宿衛光寵自天懼心無地臣誠惶誠恐頓首頓首死罪死罪臣才非文武智

唐文續編 卷十六
謝股肱忝假納言之名空竊大將之號一以慙於過
分一以耻於非據况乎桑榆景暮蒲柳氣衰僅可陪
縉紳之臣何堪預陛戟之列仍先再修上表請解右
大將遂無聞天之聲逾益伏地之恐臣以爲甲冑未
必忠信忠信自爲甲冑望請解罷所帶避路於後賢
臣尸素可以除臣愚丹可以盡不勝懇款抗表以聞
貞觀八年十一月二十九日從三位守權大納言兼
右近衛大將藤原朝臣氏宗上表
爲大政大臣謝加年官賜隨身第一表
臣良房言伏奉今日十月十日勅旨賜臣以食邑如舊命

年官准三宮帶刀資人隨身兵仗等事荷恩不力銜
膽無聞中謝臣聞大政大臣者上理陰陽下經邦國一
人有慶師範猶施四海無波儀形自用而先帝不弃
臣庸瑣委此崇班純陽未免履冰臘月逾添流汗自
愧形影深執撝謙唯許減封三分有一又隨身兵仗
等事雖舊貫臣不敢當其仁年官則恩是新情臣未
堪爲其首故臣並固辭以視不虛受今陛下更憲章
先帝重先慰鴻私忠誠不移先後惟一臣欲推賢以
避路何私陛下公選之官將扶老以干城何分陛下
宿衛之士况比年調和不偶水旱重仍倉廩少禮節

唐文編 卷十六
之資城池失金湯之險故去十一年六月二十六日
聖主下勅曰服御常膳並宜減撤同年七月二日又
公卿上奏曰五位已上封祿亦暫減折其議未復其
事猶存豈君臣偏好卑謙蓋內外其待豐稔若以斯
時全食彼邑斯耻格於先帝而取嫌猜於當時也且
尸素者天奪其鑿充盈者鬼瞰其家溫飽有餘何以
忘止足年齡已暮暫欲養遊魂臣所以不奉遵公私
兼濟而已不任懇款屏營之至謹修表狀陳讓以聞
貞觀十三年四月十四日大政大臣從一位臣藤原
朝臣良房上表

爲大政大臣重謝年官隨身第二表

臣良房言去十五日中使中納言藤原朝臣基經至
奉宣聖旨返臣上表將遂先勅頻苦刻肌再慙蜚耳
中謝臣自謂功之輕薄鴻毛則其重萬鈞賞之深淵鰲
海則其淺三尺蓋荒年祭祀禮不必充豐歉歲威儀
事或從儉約今陛下藜羹自存王公茅土且減臣全
不食邑之意將斷先已之嫌若事不得已義可必行
五稼登年羣臣復舊然後同享所減臣願足矣又陛
下不許臣就私第賜直廬於禁中霜仗百重隨身何
用虎賁千列帶仗安施臣所以固辭亦復在此臣所

有一兩僕隸皆是陛下幼年之侍童也隨分得官者或年三四人陛下以爲慰舊功力臣以爲拜家數人未報萬乘之先恩何擬三宮以新制臣持心不重暫欲樂地中之山稟質猶輕恐不爲風下之草今不堪懇誠重表以聞貞觀十三年四月十八日

重謝年官隨身第三表

臣良房言丹款無遺紫泥不測事之嫌志之執至于再至于三臣某誠惶誠恐頓首頓首死罪臣伏惟滿而不傾者未聞百器之一器貴而能久者誰見萬家之一家臣雲漢昭回位望斯極天顏咫尺恩寵有餘

臣所以固辭崇賞亦復一如前表而已殊恨桑榆景
得蒲柳秋深雖有肝膽之精勤而闕晨昏之供奉縱
使臣封至連城富爲潤屋歲入之多家門可無遊用
日用之費伏臘今有幾迴時不可留心不可轉臣輸
陛下以忠誠無二陛下賜臣以眉壽且千又如勅旨
則陛下自有忘德之嫌歸臣多以好謙之責昧死無
地眉目何施而事爲國不爲義向公不向私將分憂
織婦何取笑樵夫臣枯骨之餘請訓蒼昊臣寸心之
重願帶黃河今不堪精誠之至累表抗聞貞觀十三
年四月二十日

唐文苑英華 卷一百一十五
為大學助教善淵朝臣永貞請解官侍母表
臣永貞言永貞當年負笈壯日成功乃心於王室之前
手於黎民之下臣母妾今年八十有五凱風南
吹薄暮西夕鑿雖三世藥雖萬金施之遊魂有何一
効臣聞侍養之道律令有文子孫盡之然後旁達臣
被天庠折終鮮兄弟臣弟少外記愛成身居顯官才
亦可用臣為大學助教十五年來圓冠非中身之服
函文是遊手之資羊質虎皮名留實去夫人生於三
事之如一居官以養異於委親然而君臣絕道愛敬
不可兩全朱白殊門忠孝何以兼濟臣是帝城之

外有一小園茅屋數間草萊三徑樵蘇之費不傭力
以何供藜藿之羹不假地而欲薦此是區區之尺土
足侍老母之餘年弟愛成出為魏闕之臣臣永貞入
為寒閨之子或家或國共是王臣伏惟聖朝為民父
母以孝行治政不及旦暮之人恩先遍期頤之老昔
令伯為祖母辭官晉帝無不省覽臣今為所生解侍
陛下何敢依違縱謂臣去官請察多士之居於臣後
謂臣專孝將見求忠之心於臣門若桑榆遂落髀骨
長歸斂手足形乃盡臣節而已今不勝烏鳥之情昧
死以聞貞觀十四年

爲右大臣謝官表

臣基經言基經伏奉恩旨以去八月十五日任右大臣仰思注意望辰極以魂亡俯紆具瞻揖烝黎而顏厚臣某誠惶誠恐頓首頓首死罪死罪臣銀黃濫服菽麥彌昏欲報光寵於昊蒼更累崇班於尸素况乎禮之強仕臣齒未滿其期書之阜成臣能未及其事昔甘羅之一十餘二以多智不爲少年今微臣之三十一有七以無才猶謂太早伏願陛下鴻慈聽臣愚悃退臣所帶俾槐路絕曠官之聲葦門得稅駕之地不勝至誠上表以聞貞觀十四年十月十三日

爲小野王謝別給封戶第一表

臣某言去九月二十一日勅旨賜臣百戶之封以助齋侔之費仰承溫煦未悟比量中謝臣往年病發沉困不歸謝簪纓於帝城約香火於釋眾菩提一念身雖在艸庵之中空觀六時心未離魏闕之下大致臣合門萬事皆隨省折灰冷之服備避風茱茹之滄資送日若更蒙新賞猶滿舊封水石幽閑之地有嫌於貯藏煙霞晚暮之家無節於遊用陛下寵光不翅恩之又恩甚深臣虛受非功過而再過惟重伏願陛下察臣丹款照臣素情卷中綽於九重留上腴之百戶臣

願足矣臣望稱焉貞觀十年十月十九日

爲小野王重謝別給封戶第二表

中使右近衛少將平朝臣正範至臣艸廬宣傳口勅
推心出言中情自見量分辭賞上表無聽臣葭莩屬
貴磐石封高將繫欵電於殘魂奄侈玄流於遺教王
臣匪躬之義念念逾眞佛子行道之勤生生何慢至
彼曉嵐蕭颯讀誦經行澗水潺湲優游自得斯則所
以陛下不咎臣入道俾成臣本願之故也何更家蓄
萬鍾空待山鬼之瞰室無懸磬長失野夫之聞陛下
鴻慈願賜照察臣之幸矣不亦悅乎無勝欵重累以

聞貞觀十三年十月二十五日

重謝別給封戶第三表

去月二十六日中使左近衛少將藤原朝臣有實至
謹奉勅答宣喻殷勤淚汗俱下中謝臣昔帶職從事之
日冠蓋無非聖恩今移病出家之時衣鉢皆是官施
一死一生或出或處若負恩德明神殛之臣伏案去
十月二十三日施行詔書勸督州吏掩水傷之尸骸
收拾郡民復風害之徭役自古聖帝明王未聞無災
唯在克己復禮謂之有道而已方今如綸命之旨養
臣以孔襄之親陛下旣憂國家小臣豈安寢夢嗟虘

臣鄉栽松竹寒而不可裁衣產業香華飢而不可充
食然猶庶幾手掬山椀以備粗稅之逋懸肩昇野蔬
以助黎民之炊爨曷爲當此有損之年空受無功之
賞使陛下取名於私親小臣忘義於知止縱天下譏
不載于口而臣獨自不懼于心乎伏望特賜優恕察
臣愚款臣寄生者陛下將終始於一心臣師事者世
尊何屈申於兩舌不敢飾謙恐處違勅慈悲哀愍必
垂聽許不堪悃誠之至重以上表拜聞貞觀十六年
十一月

爲式部卿請罷所職表

臣忠良言中使官姓名至宣傳口勅抒臣退官之情
加以溫慰之辭臣位高二品年迫六旬寵光之恩甚
深報國之力旣屈亦氣離魂魄王母甫降而不治病
結膏肓扁鵲重產而何益望闕嗚咽冠帶不由命矣
皇天使臣固疾伏願陛下內照睿情外顧人議以賜
優放爲臣長生之術以察愚誠爲臣不死之藥不堪
悃款重累抗聞
爲右大臣重請被停攝政表
臣基經言中使右近衛權中將藤原朝臣山陰至奉
傳勅旨仰止臣請不知愚款之乖聖懷更疑微誠之

唐文苑英華 卷一百一十六
逸天聽臣某誠惶誠恐頓首頓首死罪死罪臣位貴
官重皆是陛下之殊私祿厚封高亦復陛下之絕寵
殊恨淹引日月偷安非服不意綸命乍降屬以重寄
縱令陛下責臣以有一割之刀而復臣訴陛下以無
再全之錦不獨顧身亦能思國以臣思國之慮將盡
報主之情陛下推而察之莫重臣罪臣以爲春蒼夏
昊猶是一天朝東暮西未爲兩日伏願臣心不離魏
闕將致今上臣子之忠臣身常侍仙階不失亡叔臨
終之命臣謹檢故事皇帝之母必升尊位又察前修
幼主之代太后臨朝陛下若寶重天下憂思幼主則

皇母尊位之後乃許臨朝之儀臣竭力施功不敢懈
緩臣誠盡矣臣願足焉不堪悃款之至累表上聞貞
觀十八年十二月五日

爲南大納言致仕表

臣年名言臣聞年滿致仕人臣之禮也氣衰發病人
生之命也氣衰年滿臣既知之知而忘之未免重責
中謝臣位升三品職至納言前兢却惕冰淵意危昨是
今非犬馬齒截臣平生以爲性雖愚蒙止足之分不
敢踰矩力雖喘息貪進之間不敢從心至于陛下卽
位春秋甚富臣不忍逐孤雲以歸髀骨苟且延數日

唐文粹卷十六
而報國家豈圖心事不諧因病乍發淹沉未幾魂氣
如離臣自謂茅土封高皇天降譴於陰罪康衢漏盡
冥鑑結罪於夜行臣八百戶之恩死而不朽臣七十
年之壽生以幾時伏願陛下賜臣放歸優臣告老以
聞恩許爲藥石之效以蒙勅裕爲招復之方臣欲荷
表函以奏闕下起居不辨冠帶無由故謹遣男從五
位下內藏助良臣抗表以聞貞觀十九年四月八日
奉勅重上請不減御封表

臣諱言伏奉勅旨減折御封不恭承而止畏切棲冰
欲拊默以從誠虧底露謝中臣聞天之與人孝子業在

諧命事之隨理愚夫慎其有常故一天下之至尊臣
不拒前勅於童稚二千戶之甚少臣能稽舊章於志
成而今枉降中使重敘睿情纔納半封更增摺摺臣
謹計入租伏量輸貢若任土非實恐支用或虛陛下
縱損全數雖有撝謙之德臣遂從折分既忘愛禮之
義况皇天貴誠不貴物臣子爲道不爲身陛下臣之
皇天也請將盡誠於方寸臣陛下之臣子也請不失
道於小銖伏願鴻慈迴照鑒臣血誠仰雲霄以競惕
流汗臨淵谷以累表抗聞元慶三年二月十七日
爲公卿賀朔冬至表

臣基經等言臣聞潛鱗游泳樂春水於和風稚羽來
賓拂曉雲於秋月彼微情之二物猶感奉天況在位
之羣臣誰忘欽化臣某等誠歡誠喜頓首頓首死罪
死罪夫三象知誠四騶得道斯乃寒溫之平也雙離
合璧五緯連珠斯乃聖哲之事也臣等謹案歷日十
一月丙辰朔旦冬至稽之舊章理誠宜賀伏惟皇帝
陛下欽若無掩昇惟馨於昊天敬授不偷襲其臭於
黎庶益古先帝之希有舊史氏之所罕言陛下所得
之明德至矣猗歟日則南至陛下向陽之美可觀星
惟北拱臣等詣闕之誠何切聖壽無疆明時有瑞不

勝抃舞拜表以聞元慶三年十一月一日

爲尚侍源朝臣全姬請罷職表

妾全姬謹言妾先陳悃誠請解所職重年遠隔單素
難通一二年來逾增顏厚今妾位崇三品齡迫七旬
將假脂粉以從事紫闥非扶杖之庭欲催綺羅以勤
公丹悃慙懸車之義妾不敢謙退白日惟明妾亦無
飾詞蒼天在上伏願殊垂降鑒聽妾誠請避高班於
賢路養殘氣於幽閨妾全姬誠惶誠恐頓首頓首死
罪死罪謹言元慶四年

以上見日本圖經

僧空海

空海拾遺卷七十二有傳

獻書表

劉希夷集四卷右伏奉小內記大伴氏上宣書取奉
進但恐久韞揮翰筆不勝意不免強書空汗珍紙王
昌齡詩格一卷此是在唐之日於作者邊偶得此書
古詩格等雖有數家近代才子切愛此格當今堯日
麗天薰風通地垂拱無爲頌德溢街不任手足敢以
奉進庶令屬文士知見之矣還恐招耻遼豕貞元英
傑六言詩三卷元是一卷綠書樣大卷則隨大今分
三卷文是秀逸之文書則褚臨王之遺體也比屬臨

池之次寫得奉上飛白書一卷亦是在唐之日一見
此體試書之虎變爲犬雖未成功夫比之獻芹伏願
天慈曲垂一覽不任葵藿之至謹遣弟子僧實慧謹
隨狀奉進輕贖宸嚴伏深戰汗謹進弘仁二年六月
二十七日白

獻墨本十部表

德宗皇帝眞蹟一卷歐陽詢眞跡一卷大玉諸舍帖
一首不空三藏碑一首岸和尚碑一鋪徐侍郎寶林
寺詩一卷釋令起八分書一帖謂之行草一卷鳥獸
飛白一卷右雖輕乏敢表丹誠但恐輕塵聖覽招耻

遼豕謹隨狀謹進弘仁二年八月沙門空海進

獻狸毛筆表

狸毛筆四管真書一行書一草書一寫書一右伏奉
昨日進止且教筆生坂井名清川造得奉進空海於
海西所聽見如此其中大小長短強柔齊尖者隨字
勢麤細總取捨而已簡毛之法纏紙之要深墨藏用
並家傳授訖空海自家試看新作者不減唐家但恐
星好各別不允聖愛自外八分小書之樣搨書臨書
之式雖未見作得具足口授耳謹附清川奉進不宣
謹進弘仁三年六月七日

獻雜文表

急就章一卷王昌齡集一卷雜詩集四卷朱晝一詩
卷朱千乘一卷雜文一卷王智章一卷讚一卷詔一
卷勅一卷繹經圖記一卷右伏承昨日進止隨探得
且奉進所遺表啟等零在他處今見令人覓取來則
馳奉夫尺水本無萬里之鯤培塿何有千丈之幹空
海瓦礫之人謬絨燕石不謂聖聰索金聲於芻蕘訪
華藤於朽榴雖喜聖綸之下徹還慙享帚之愆過謹
隨狀奉進輕贖聖覽伏深戰越謹進弘仁三年七月
二十九日沙門空海進

獻梵字并雜文表

沙門空海言空海聞帝道感天則秘錄必顯皇風動地則靈文聿興故能龍卦龜文待黃犧以標用鳳書虎字俟白姬以呈體於焉結繩廢而三墳燦爛刻木寢以五典鬱興明皇因之而弘風揚化蒼生仰之而知往察來不出戶庭萬里對目不因聖智三才窮數稽古溫故自我垂範非書而何矣况復悉曇之妙章梵書之字母體凝先佛理含眾智所以三世覺滿尊而爲十方方薩陞重逾身命滿界之寶半偈難報累劫之障一念易斷文字之義用大哉遠哉伏惟皇帝

陛下貫三表號滅五稱首道邁規矩明齊烏兔露沉文下六合無爲風動琴上一人垂拱玉燭調化金鏡照耀所謂輪瑞之運于今見矣空海人是瓦礫每仰金仙之風器謝巢許久臥堯帝之雲窟觀餘暇時學印度之文茶湯坐來乍閱震旦之書每見蒼史古篆右軍今隸務光韭葉杜氏艸勢未嘗不野心忘憂山情含笑諺日奴口甘郎舌甜敢因斯義欲獻久矣然猶狼籍汗穢還恐觸塵聖眼微誠潛達先聞于天伏奉布勢海口勅欣踊繕裝古今文字讚右軍蘭亭碑及梵字悉曇等書都一十卷敢以奉進伏乞天慈不

嫌涓滴一覽飛塵伏願陛下披梵字梵天之護森
羅再閱神書神人之衛逼側達水遙浦忽入封疆嵩
山負岫來受正朔常住之字加持不壞之體遂古之
民擊耕於今辰矣龍瑞紀官永豫枯射鳳祥名職放
曠金閣輕黷旒宸伏深戰越沙門空海誠惶誠恐謹
言梵字悉曇字母并釋義一卷古今文字讚三卷古
今篆隸文體一卷梁武帝草書評一卷王右軍蘭亭
碑一卷曇一律師碑銘一卷弘仁五年閏七月八日
沙門空海進

獻詩表

沙門空海言去六月二十七日主殿助布勢海將五
彩吳綾錦緣五尺屏風四帖到山房來奉宣聖旨令
空海書兩卷古今詩人秀句者忽奉天命驚悚難喻
中對山握管觸物有興自然之應不覺吟咏輒抽十
韻敢書于後伏乞天慈宥其罪過幸甚幸甚謹所書
屏風及秀句本隨表奉進輕黷聖覽伏增流汗沙門
空海誠惶誠恐謹言弘仁七年八月十五日
日本圖經引宏
法大師
正傳

觀賢

觀賢日本僧

奉勸空海遺蹟狀

勸申真言根本阿闍梨入唐求得法文冊子三十帖如本可納本寺經藏令宗長者代代相承之事右就真言一宗伏檢舊迹根本阿闍梨贈大僧正法印大和尚空海去延厯末銜詔入唐大同元年歸我本朝弘仁十一年十月二十日皇帝御書賜大法師位任內供奉十禪師天長元年祈雨有感超少僧都以同年六月六日任造東寺別當且行造寺之事且興真言之教卽表請東寺爲真言寺入唐請來佛舍利法文道具及唐阿闍梨付屬物等收置東寺經藏傳法

供家宛如私室以同七年轉任大僧都和尚能知終期東寺之事一向委付弟子律師實慧以去承和元年追終焉之地歸高野山同二年三月二十一日厭世間味樂寂滅理朝露永盡夜松獨遺惟時件冊子法文等更不隨身厥後律師實慧爲宗僧綱守先師迹次轉少僧都具建行宗事次同弟子僧正眞濟爲宗之長進止宗事此兩代間堅收東寺都不移動次根本阿闍梨舍弟子貞觀寺眞雅僧正以慧宿大法師爲經藏預請度披見僧正以去貞觀十八年六月六日令權律師眞然請收件法文之日如本可返納

東寺之口仰畢遂至元慶三年正月三日奄然入滅
須件法文如僧正教返納東寺而真然僧正爲少僧
都與宗叡僧正共行宗事兩人不和件冊子法文不
返納東寺稱是先師隨身法文隨身持去高野住山
二三年此間轉任大僧都至元慶八年在京僧正永
入寂滅住山僧都轉任僧正獨出守道無傍領宗正
餘年晚暮寬平之初遂歸本山爰請申云公家初置
山座主壽長大法師是其元也以同三年九月黃葉
易散泉流難停也壽長堅閉山持件法文次座主權
律師無空每常隨身往還山城無空去延喜十六年

於圓提寺卒去之後觀賢件冊子早可返納東寺之
由告知彼弟子僧等而左右遁申都不進納爰具注
事由奏聞河原院卽召彼弟子僧殊下勘責取出所
給也若非法皇御德於凡僧等中殆令紛失此卽以
根本重物置枝葉輕處之所致也觀賢去貞觀十年
生年十五就貞觀寺真雅僧正爲師承仕同十四年
受具足戒然則十年以往之事依文書見以傳言十
一年以後事住貞觀寺所見聞也今或人申云件法
文元來在高野者此後生人只見元慶以來近事不
知貞觀以往舊事任心偏申也又如圓仁產主法文

收彼私室不收延歷寺者此又不例何者圓仁是後出之座主吾師是在初闡製彼山以最初座主傳教大師入唐求得天台法文收延歷寺代代座主相承傳寺此宗亦爾以根本闡製入唐請來真言法文收東寺代代宗長相傳護來至後後人人所持法文收私室此尤可然何以他宗末人例同宗本師乎寔以根本一師之後枝葉繁茂別居之寺雖有其員東寺是根本自餘皆枝葉今以件法文置根本一所枝葉諸寺自然歸仰設令先師以件法文隨身雖云留山今至末世護持人乏門徒僧綱宗之長者取出護持

更有何妨况元來收東寺今亦本所代代宗長者相承者此尤可叶先師本意也觀賢以愚昧之質忝爲宗長者就先師遺蹟盍尋其本意乎以前依仰旨勤申如件延喜十九年十一月九日 日本圖經

闕名

釋迦佛造像記

法興元世一年歲次辛巳十二月鬼前太后崩明年正月廿二日上宮法皇執病弗愈子食王后仍以勞口並着於床時王后王子等及與諸臣深懷愁毒共相發願仰依三寶當造釋像口尊王身蒙此願力轉

病延壽安住世間若是定業以背世者往登淨土早
昇妙乘二月廿一日癸酉王后卽世翌日法皇登遐
癸未年三月中如願敬造釋迦尊像并口侍及莊嚴
具竟乘斯微福信道知識現在安隱出生入死隨奉
三主紹隆三寶遂共彼埤普遍六道法異念口得脫
苦緣同趣菩提使司馬鞍首止利佛師造 日本圖經



